

白敘

余性素拘。凡所著述。皆言其所明。弗明者。弗敢言也。夫明非徒喻其理之謂。謂必得所傳授親習其事。有以證其理之不差。而後曉然於心者。亦曉然於手與目。斯之謂明也。如是言之。則皆確鑿可據。非浮光掠影之談。非臆測傅會之語耳。余於醫傳。自孫慶曾先生。凡男婦大小。爲脈爲症。皆得之親受。故試之診視。罔弗取效。前著傷寒綱目。雜病源流。婦科玉尺。皆曉然于。心與手目。一一筆之于書者也。勿科中獨痘瘡一症。其旨微。其候險。其變化百出。尤必臨症指示。而後能悉其精微。知其蘊奧。孫先生與前輩葉天士同出一門。固精於痘。而余于受業時。非專屬行醫。弗獲相隨痘家。親聆教誨。故獨於痘。弗敢言也。雖古痘醫首推錢仲陽。陳文中。後如曾氏萬

氏湯氏魏氏皆接兩家宗派。而翟氏聶氏尤能闡明錢陳底蘊。其書具在。未嘗不深切究明。曉然于理之所在。然未得臨症指示。所謂曉然于心。未能曉然于手與目也。既不能曉然于手與目。其敢自謂已明而妄有言乎。故輯幼科釋謎六卷。共分二十四門。獨闕痘症。非竟闕也。庸有待也。孫先生雖已捐世。或得一精其業者。受其傳焉。則闕者未嘗不可補矣。釋謎既成。因書其故以冠于首。時

乾隆三十九年甲午十二月。上澣無錫沈金鰲莘綠氏自書。

凡例
一 是書獨闕痘症。已詳明白敘中。其餘共分二十四門。雖症變多端。或有不盡于此者。更當臨症消息。然大段備具已足。該幼科綱領。

一 二十四門症候。各著四言韻語。闡明義理。不列散文者。便誦習也。但韻語中。探源析流。義尚簡括。閱者當求意旨之所在。勿以爲畧而短之。

一 韻語後。各採前人議論。以相發明。要皆擇其至精至當。歸於一是。是足爲幼醫科律者。故書中所登。無錯雜無重疊無支離無牽扯。

一 是書刪繁就簡。雖卷帙無多。實足發明病旨。遵守斯法。已大概無悞。若更神而明之。則存乎其人矣。

一芽兒臟氣未全。不勝藥力。周歲內非重症。勿輕易投藥。須酌法治之。卽兩三歲內。形氣畢竟嫩弱。用藥亦不可太猛。峻攻驟補。反受藥累。

一兒病多由食積。固是要語。醫家不可不知。然亦有稟受薄弱。或病後虛怯。其所生病。有全無食積者。不得以此語橫亘心中。仍爲消導。卽或有之。亦當扶正而使積自消。消息甚微。當意會毋執。

一古人治幼兒。或專攻。或專補。或專涼。或專熱。皆有偏處。是書宗旨。一以中和當病爲歸。不敢偏于攻補涼熱。

一病家怕驚。不怕瀉。醫家怕瀉。不怕驚。要知驚瀉俱爲重候。在病家罔知病症。固無足怪。醫家旣怕瀉。又安得不怕驚耶。若存不怕之念。恐有輕心妄治。以致害者。不可不慎思之也。

一古人製幼方必使藥品與幼兒相得本與大方有別醫者固不可執古方以治今病亦不可妄作方劑有背古人之意此旨亦甚微明者自領之。

一嬰兒兩三歲內全屬天真痛癢不能自達其時脉雖不可憑而觀色察形或視三關指紋醫者反得依據有一種嬌養小兒至四五歲六七歲知識略開便生詐偽不饑爲饑不渴爲渴不癢爲癢不疼爲疼父母溺愛不知諄諄告醫醫若不察便爾多悞此又當觀色于色之外察形于形之表以辨其情偽者也切勿爲他瞞過。

幼科釋謎目錄

卷一

總論

初生諸疾

驚風

卷二

癰瘡

諸疔

發熱煩躁

傷寒

麻疹

瘧疾

卷三

黃疸

水腫

腹痛腹脹

痞結積癖

食積

吐瀉

單吐單瀉

痢疾

卷四

感冒

痰涎

咳嗽哮喘

啼哭

汗

耳目鼻口舌齒咽喉

卷二便

脫肛肛痒

丹毒

卷五

應用方

合

七

卷六

應用方

水

單

卷一

應

方

單

目錄

沈氏尊生書卷一總論

幼科釋謎

沈金鰲輯

上海朱增惠春坪氏校刊

運合陰陽。胚胎在腹。五行相參。乃成孕育。逐月成形。男女攸屬。九
竅既分。岐體隨畜。臟區以五。腑部以六。內生筋骨。外彌肌肉。至于
經脈。無不聯屬。至于毛髮。無不攢簇。氣通于母。呼吸盈縮。母息是
同。如璞孕玉。母熱熱侵。母寒寒促。母怒脈興。母驚陰觸。母思氣拘。
母憂神踟。凡此諸因。皆能停毒。而毒之停。更甚。淫慾毒停。先天後
天。斯酷。古人胎教所由。諄勗。十月涵濡。胎元具足。一旦臨盆。蒂脫
瓜熟。此後哺乳。更須周篤。易虛易實。疾疢惟速。疾痛莫知。疴癢誰
告。如啞不言。如謎難卜。保赤維艱。常憂手束。遍攷方書。廣搜秘錄。
識取其精。論採其卓。爰輯斯編。釋謎標牘。既分門類。更詳欸目。欲

切勿者當爲三復。

察色 錢乙曰。兒醫號爲啞科。脈來駛疾難憑。故以察色爲要。形色若不相應。然後聽聲切脈。如面上症。左顛爲肝。右顛爲肺。額上爲心。鼻爲脾。頰爲腎。赤者熱也。黃者積也。白者寒也。青黑者痛也。隨症治之。文如目內症。赤者心熱。導赤散。淡紅者心虛熱。生犀散。青者肝熱。瀉青丸。淺淡者補之。黃者脾熱。瀉黃散。無精光者腎虛。地黃丸。若見面目浮腫。主久咳嗽。乃脾受疴積也。又如唇上症。白主吐涎。嘔逆。吐白便血。紅主渴飲。煩躁。若久咳瀉。唇紅者是虛症也。勿用涼藥。黃主脾受積。後發腫紫色。及吐涎。主虫痛。不吐涎。是積痛。唇口四畔黃如橘。主口臭。乃脾之積熱也。青主血虛。脾寒。爲冷所乘。蓋唇主脾土。木來尅土。知脾弱不能食也。又如舌上症。凡小兒舌乾。舌白。舌燥。舌胎。舌黃。舌赤。腫。

皆主大便不通或通利。必赤色焦黃。如舌裂。舌上芒刺。舌上出血。皆熱極。陽毒也。舌上生瘡。心脾有熱。舌捲。主驚。久患瀉利。舌黑而潤。不可認爲熱。蓋久病上焦虛熱故也。久瀉利。舌黑者必死。

李仲南曰。面上青色爲驚積不散。欲發風候。紅赤色爲熱。爲痰積壅盛。驚悸煩躁。增進黃色亦爲熱。爲食積癥傷。欲作疳候。或作痞癰。若神思昏沉。其候潮熱氣粗。困倦或嘔噦。或瀉痢。白色爲寒。爲肺氣不利。大腸滑洩。欲作吐利。黑色爲痛所傳。不煩變症。卽爲逆候。榮衛失序。爲疾危惡。虞搏面上形症。歌曰。痢疾眉頭皺。驚風面頰紅。渴來唇帶赤。毒熱眼朦朧。山根若見脉痕青。此病明知兩度驚。赤黑困疲時吐瀉。色紅啼夜不曾停。青脉生于左太陽。須驚一度見推詳。赤是傷寒微燥熱。黑青知

是乳多傷。右邊青脉不須多有。則頻驚待奈何。紅赤爲風抽。

眼目黑青三日見閻羅。

李梴曰。小兒諸病。但見兩眼無精光。黑睛無運轉。目眇無芒鋒。如魚猫眼狀。或兩眼閉而黑睛朦朧者死。或外若昏困而神藏于內不脫者生。黑珠滿輪。睛明者少病。眼白多。睛珠或黃或小者。稟弱多病。

聽聲

危亦材曰。睡中驚啼聲浮者易治。聲沉不響者難痊。或聲如鷓中彈者不治。

李梴曰。聲輕者氣也。弱也。重濁者痛也。風也。高喊者熱欲狂也。聲急者神驚也。聲塞者痰也。聲戰者寒也。聲噎者氣不順也。喘者氣促也。噴嚏者傷風也。驚哭身沉不響者重也。聲濁沉靜者。

疳積也。如生來不大啼哭聲啾啾者，必天也。火之大發，忽狂驚叫，乃火盛氣虛，必死。夜半發者，多有口瘡，宜看之。直聲往來而無淚者，痛也。連聲絕而多淚者，驚也。慈煎聲煩躁者，難愈。躁促聲音者，感寒也。

李仲南曰：小兒有疾，既見于色，必應于聲。其聲不一，必細審之。有重實聲者，歌曰：重實聲，確體熱，爲三焦氣壅在心脾，傷風咳嗽，咽喉痛，結澁腸中，糞出遲，有悲焦聲者，歌曰：聲悲焦，有燥恐怖，欲生風，重濁聲沉靜，疳攻必耳聾，有啼哭聲者，歌曰：但哭無啼，只有驚多啼，不哭痛分明，聲輕顫，噴風癘，病速緩，聲頻吐瀉成，有噤煎聲者，歌曰：噤煎煩躁，病難安，燥促聲音爲感寒，語短氣微，尿主澁，長遲聲細痢多般，有遲緩聲者，歌曰：促短聲遲緩，腸鳴洩瀉頻，噴聲多不響，風熱肺虛因。

脉法

錢乙曰候兒脉當以大指按三部一息六七至爲平和八九至爲發熱五至爲內寒。訣曰小兒脉緊風癘候沉緩食傷多嘔吐。弦急因知氣不和。急促急驚神不守。冷則沉細風則浮。牢實大便應秘久腹痛之候緊而弦。脉亂不治安可救。變蒸之時脉必亂。不治自然無過。謬。單細疳癆。洪有虫。大小不勻爲惡候。脉沉而遲有潮熱。此必胃寒來內寇。瀉痢脉大不可醫。仔細酌量宜審究。

王肯堂曰張雲岐云未及五歲不能視聽者不可別脉。五歲以上方可以脉別浮沉遲數。按前錢氏論則不拘五歲上下也。小鏡訣又云三歲以內看虎口三關。若三歲以下更用一指按高骨。乃分三關定其息數。呼吸八至爲平脉。九至不安。十至危困。

四歲以下。用一指衮轉尋三部以關爲準。七八歲移指少許。九歲次筮。依三關部取十一二歲後。依大方脉部位診視。按此又與前二說不同。醫者臨時參酌用之可耳。

脉應雜病

王肯堂曰。諸脉數爲熱。屬腑。諸遲脉爲冷。屬臟。陽數脉主吐逆。不吐必發熱。陰微脉主洩瀉。不瀉必盜汗。沉數脉寒熱。寒多熱少。亦主骨蒸熱。緊數脉寒熱。熱多寒少。又主骨蒸。急則驚癇。沉緊脉心腹痛。短數同。亦主咳嗽。沉細脉乳食不化。亦主腹痛。下痢。沉伏脉爲積聚。亦主霍亂。微緩脉乳不化。泄瀉。沉緩亦同。微澁脉瘕瘕筋攣。微急脉寒熱。唾血。浮滑脉宿食不消。亦主咳嗽。浮緊脉疝氣。耳聾。浮洪脉頭疼。身熱。緊滑脉吐血。惡心。心脉急數。驚癇。否則疝淋。肝脉急。癩癇。風癇。痰涎流液。肺脉浮實。鼻塞。

并大小便不通。關脈緊滑主蛔虫。尺脈沉同。尺脈微細。溘洩冷利。乳食不化。尺脈微澁。便血。否必盜汗。脈入魚際主遺尿。

看虎口三關法

滑伯仁曰。小兒三歲以內。看男左女右虎口三節。曰三關紋色。紫熱紅傷寒。青驚風白疳病。黃色淡紅乃平常。小恙其筋紋宜藏。不宜暴露。若黑色則為危險。再脈紋見下截。風關為輕。中截氣關為重。上截命關為尤重。直透三關為大危。鰲按。從前言看

小異。搥不如滑氏之直截明簡。


王肯堂曰。全切心鑑十三種脈紋云。流珠只一點紅色。環珠差大。長珠圓長。以上非謂圈子。總皆紅脈貫氣如此。來蛇即是長珠散出一頭。去蛇亦如此。分上下向故曰來去。角弓長張向裡為順。向外為逆。鎗形直上魚骨分開水字。即三脈並

形針形卽過一二粒米許射甲命脈向外透指命脈向裡雖然
余嘗治之亦有不專執其形脈而投劑者蓋但有是症卽投是
藥而亦多驗 流珠形主飲食所傷內熱欲吐或腸鳴自利煩
躁啼哭用助胃膏環珠形主脾虛停食胸膈脹滿煩渴發熱五
味異功散加山查枳實長珠形主脾傷飲食腹痛寒熱不食大
安丸異功散來蛇形主脾胃濕熱中脘不利乾嘔不食此疳邪
內作四味肥兒丸去蛇形主脾虛食積吐瀉煩渴氣短喘急不
食困極七味白朮散弓反裡形主感寒驚悸噎氣出氣四肢稍
冷倦怠小便赤咳嗽吐涎惺惺散弓反外形主痰熱心神恍惚
夾驚夾食風癰痰盛天麻防風丸鎗形主風熱生痰驚抱龍丸
魚骨形主驚痰發熱抱龍丸抑青丸水字形主驚風食積胸膈
煩躁頓悶少食或夜啼痰盛口噤搖擗大安丸針形主心肝熱

極生風驚悸頓悶困倦痰盛搐搦抱龍丸射指形主驚風痰食
聚膈牛黃清心丸射甲形主驚風及一切木尅土之敗症六君
子湯加木香鈎藤鈎官桂未應卽加附子

小兒指形圖

形珠流



形蛇來



關三左



形珠長




形蛇去




關三右




形珠環



形外反弓



形甲射關透



形針



形裏反弓



形三脚



形字水




形鎗




形三脚



形指射關透



形骨魚



初生諸病

沈金鰲輯

嬰兒墮地一聲啞啞形體雖具猶是血茹肌膚脆嫩骨肉么麼如水中泡如樹上葩八風之賊六淫之邪豈能速害從外而加由在母腹感受淫汗或傷冷熱或被驚譁烹煎燔炙酒醴紛奢亂氣狡僮陰血周遮釀火蘊毒貽害嬰芽降生之後調護多差縲絕恐嚇乳哺擊义致令疾作一一堪嗟胎黃撮口驚癩搐拏臍風鎖肚逼肖饑鴉凡茲種種難與搔爬坐視其斃誰之咎耶昔黃帝言憫彼呶啞吾不能察幼小如麻善爲調理別是一家誠哉斯語千古堪嘉敢告醫士存心勿遺

胎驚胎癩胎風胎黃

錢乙曰百日內發搐真者不過兩三次必死假者頻發不爲重真者內生驚癩假者外傷風冷蓋血氣未實不能勝任乃發搐

也。欲知假者，口中氣出熱，治之可發散。大青膏主之。

王汝言曰：小兒未滿月驚搐，似中風欲死者，用辰砂以新汲水濃磨汁塗五心，最效。

曾氏曰：胎癩者，因未產前腹中被驚，或母食酸鹹過多，或爲七情所汨，致傷胎氣。兒生百日內有者是也。發時心不寧，面微黃，氣逆痰作，目上視，身反張，啼聲不出。先用參蘇飲，次用琥珀抱龍丸。輕者可愈，重者難全。

李挺曰：胎驚癩風者，乃孕婦嗜慾忿怒驚撲，或傷風邪。兒初生下，卽嘔吐搐掣，口眼喎斜，聲啼氣短，腮縮顙開，或頰赤，或面青，噤口咬牙，眼合涎潮，筋骨拘攣，身腰強直，臍腹腫起，與噤口撮口同症。視其眉間氣色，紅赤者生，青黑者死。辰砂膏最妙。

王肯堂曰：胎驚者，初生月內壯熱吐，嘔心神不寧，手足抽掣，身

體強直。眼目反張。是胎驚。皆由妊婦調攝乖常。飲酒嗜慾忿怒。驚撲母有所觸。胎必感之。或外挾風邪。有傷于胎。故子乘母氣。生下卽病也。其候月內壯熱。眼翻握拳。噤口咬牙。強直涎潮。嘔吐搐掣。驚啼。腮縮。顙開。或頰赤。或面青。但胎驚眼合。不可誤作慢脾。妄用溫藥。其有搭眼。噤口之類。亦此一種之所發也。虎口指紋曲入裡者可治。反出外者不治。先宜解散風邪。利驚化痰。開氣及貼顙法。甚則以朱銀丸利之。若面青拳搐。保命丹鈎藤散。全蝎散之類。大抵芽兒臟腑脆弱。不可輒用鉛粉鎮墜之劑。如遇此候。急用猪乳細磨牛黃麝香各少許。調抹入口中。仍服導赤散。以瀉肝之子。卽愈矣。胎風者。小兒初生。其身有如湯潑火傷者。此皆乳母過食膏粱所致。其母宜服清胃散。及逍遙散。以清氣血。兒亦時飲數滴。有身無皮膚而不嫩赤者。由產母

脾氣不足也。粳米粉傅之。焮赤發熱者。產母胃火熾也。石膏傅之。經謂脾主肌肉。肺主皮毛。故知病脾肺也。未滿月而撮口握拳。腰軟如隨者。此肝腎之中邪。勝正弱也。三日內必不治。如男指向裡。女指向外。尙可治。宜蛭蝎散鈎藤散。眉紅者不可治。胎黃者。小兒生下。遍身面目皆黃。狀如金色。壯熱大便不通。小便如梔汁。乳食不思。啼哭不止。此胎黃之候。皆因母受濕熱而傳于胎也。凡有此症。母子皆宜服地黃湯。地黃飲子。有生下百日及半周。不因病後身微黃者。胃熱也。若自生而身黃者。胎疸也。經云。諸疸皆熱。色深黃者是也。犀角散。若淡黃兼白者。胃怯也。白朮散。

胎寒胎熱

虞甫曰。何謂胎寒。芽兒百日內。覺口冷。腹痛。身起寒粟。時發戰。

慄。曲足握拳。日夜啼哭不已。或口噤不開。名曰胎寒。其症在胎時。母因腹痛而致。亦有產婦喜啖甘肥。生冷。或胎前外感風寒。暑濕。治以涼藥。內傷胎氣。則生後昏昏多睡。間或覘乳瀉白。不早治。必成慢驚。慢脾風。宜中和飲食。當歸散。加煨姜微洩。次用勻氣散。調補。次參苓白朮散。養胃。白芍藥湯。去寒濕。何謂胎熱。見在胎中。母多驚恐。或食熱毒物。生後旬日間。兒多虛痰。氣急喘滿。眼閉目赤。目胞浮腫。神困呵欠。吸吸作聲。遍身壯熱。小便赤。大便秘。時驚煩。由胎中受熱。或悞服溫劑。致令熱畜于內。熏蒸胎氣。故有此症。不早治。則驚口重舌木。舌赤紫丹瘤。自此而生。母宜先服木通散。亦與兒服。次以四聖散。溫洗兒兩目。目開。進地黃膏。天竺黃散。當歸散。牛蒡湯。亦全母服。凡有胎疾。當先令母服藥。使藥過乳。漸次解之。百無一失。如以涼藥攻之。

必生他病。乳母尤必忌口。

撮口

孫思邈曰：小兒初出腹，筋骨未斂，肌肉未成，血凝乃堅成肌肉。耳其血沮敗，不成肌肉，則使面目繞鼻口左右悉黃，而啼閉口。聚口撮口，口中乾燥，四肢不能伸縮者，皆是血脈不斂也。多不育。宜龍胆湯。

李仲南曰：外症舌強唇青，聚口撮面，面目黃赤，氣息喘急，啼聲不出，飲乳有妨。若口出白沫，而四肢冷者，不可救療。其或肚脹筋青，吊腸卵疝，內氣引痛，皆腸胃鬱結不通致之。治法貴疏利。宜辰砂膏。初生七日後，此症可免。

鷺口

一名噤口風，又名雪口。

巢元方曰：兒初生，口裡白屑滿舌上，如鷺之口，故名。由在胎時。

受穀氣盛。心脾熱氣熏發于口。治法用髮纏指頭。醮井花水揩拭之。睡時黃丹煨出火氣。摻舌上。如用此法不效。傳保命散。

李挺曰。噤口風者。眼閉。啼聲漸少。舌上聚肉如粟米狀。吮乳不得。口吐血沫。二便皆通。此胎中熱毒流于心脾也。此症亦初

生七八日內患之。鰲按鵞口瘡用礪砂細研敷之立效。

王肯堂曰。茅先生論兒喉中壅一塊肉。瘤閉却為喉痺。身大熱。舌硬不轉。為木舌。口閉滿口黃如膏。名鵞口。三症皆熱甚。生風。風壅熱毒至此。為實熱。先用三解牛黃散。微與通利。次用天竺黃散。共牛黃膏與服。如喉響似鋸。及眼直視。面青黑。不乳食者。死。

臍風臍濕腫臍瘡臍突

孫思邈曰。臍風者。斷臍之後。被水濕風冷所乘。風濕之氣入于

臍而流入心脾遂令肚腹脹滿臍腫身體重著四肢柔直日夜多啼不能食乳甚則發爲驚搐若臍邊青黑撮口不開是爲內搐不治爪甲黑者卽死

朱震亨曰初生七日內見噤口撮口臍風三症者危百日內見此症手足蹇者亦不治

曾氏曰如稟賦充實發熱有痰驚搐投黑白飲溫蜜湯空心調下微洩似茶褐色二三行進白芍藥湯加姜棗常用此法亦妙臍突一症又非臍風此亦因初生洗浴繫臍不緊穢水浸入子內產後旬日外臍忽光浮如吹捻動微響間或驚悸作啼治用白芍藥湯加苡仁次以外消散塗貼自然平復

陳無擇曰小兒初生一七日內忽患臍風撮口百無一效坐視其死良可憫也有一法世罕知者凡患此症看兒齒齦上有小

泡子如粟米。以溫水醮熟帛裹指。輕輕擦破。卽開口便安。不藥神效。

李梃曰。斷臍後爲風濕所乘。或尿濕褌裙。遂成臍風。面赤喘急。啼聲不出。其症臍腫凸。腹脹滿。日夜多啼。不能乳。甚則發搐撮口。噤口宜調氣益黃散。甚者金烏散。或宣風散。亦有熱在胸堂。伸引努氣。亦令臍腫發風。千金龍胆湯。

錢乙曰。臍濕腫者。斷臍後爲水濕所傷。或入風冷。致令四肢不和。臍腫多啼。不能乳哺。宜柏墨散五通膏。

滑伯仁曰。嬰兒臍中腫濕。經久不差。若至百日。卽死。宜速治之。用枯礬龍骨爲末。入麝少許。拭臍乾。摻之。須避風。

巢元方曰。臍瘡者。水入臍中。或受尿濕。腫爛成瘡。或解脫爲風。所襲入于經絡。則成風癩。若臍腫不乾。久則發搐。宜金黃散。

王漢東曰。斷臍作瘡。枯礬龍骨煨當歸末皆可搽。或油調敷之。
李仲南曰。臍突者。芽兒有熱在胸堂。則頻頻伸引。呃呃作聲。努
脹。其氣抑入根本之中。所以臍突腫赤。虛大可畏。無識之人。將
謂斷臍不利而使然者。非也。此由胎中母多驚悸。或恣食熱毒
之物所致。宜對症與藥。其熱自散。其臍歸本。不必敷藥。恐反爲
害。

驚風

沈金鰲輯

小兒之病最重。惟驚驚必發搐。驚必竄睛。驚必牙緊。驚必面青。驚必魚口。驚必弓形。心經熱積。肝部風生。肝風心火二臟交爭。血亂氣壅。痰涎與并。百脉凝滯。閉竅不靈。或急或慢。隨其所撓。急由陽盛。慢屬陰凝。急緣實病。慢自虛成。急驚之症。暴疾難名。種種惡候。一一並呈。迨其發定了。了神清。揆厥所原。調護失情。晝抱當風。夜臥厚衾。多食辛辣。偶觸鼓鉦。跌撲嚷叫。人物雷霆。凡諸驚恐動魄。亂經一旦疾作。詎比尋恒。慢驚之症。睡臥靡寧。乍發乍靜。神思昏瞶。大抵久病。逐漸勢增。吐瀉瘧痢。消耗匪輕。脾虛胃弱。陽常不升。虛邪火旺。肝木來乘。淹延困頓。遂致命傾。有慢脾風症。更堪憎慢。驚之後。虛極難勝。病全歸脾。故慢脾稱脾家痰飲。凝聚胸膈。脾家虛熱。來往相仍。脾困氣乏。肢冷目瞪。頻嘔腥臭。微搐焦聲。無風可

逐無驚可平。十不救一。魂魄歸冥。又有天吊狀。若祟憑。頭目仰視。身熱不停。爪青肢癱。是真病情。邪熱毒氣壅遏。心精頗難調治。醫藥速營。諸驚疾發。診視察聽。表裡虛實。尤貴詳明。驚風之屬。癇症易醒。更多兼症。一一細評。毋輕心掉。毋躡等行。方治無悞。醫始稱能。

驚搐由臟腑

錢乙曰。因潮熱發搐。在寅卯辰時者。此脾用事之時也。身體壯熱。日上視。手足動搖。口內生熱涎。項頸強急。此肝旺也。當補腎治肝。補腎地黃丸。治肝瀉青丸。因潮熱發搐。在巳午未時者。此心用事之時也。心惕。目上視。白睛赤色。牙關緊急。口內涎生。手足動搖。此心旺也。當補肝治心。補肝地黃丸。治心導赤散。涼驚丸。因潮熱發搐。在申酉戌時者。此肺用事之時也。不甚搖。而喘。

日微斜視身熱如火。睡露睛手足冷。大便淡黃水。此肺旺也。當補脾治肝。治心。補脾益黃散。治肝瀉青丸。治心導赤散。因潮熱發搐在亥子丑時者。此腎用事之時。也不甚搐而臥不穩。身體溫。日睛緊斜視。喉中有痰。大便銀褐色。乳食不消。多睡不省。此腎旺也。當補脾治心。補脾益黃散。治心導赤散。涼驚丸。

驚搐癇瘵不同

婁全善曰。驚搐一也。而有晨夕之分。表裡之異。身熱力大者為急驚。身冷力小者為慢驚。仆地作聲。醒時吐沫者為癇。頭目仰視者為天吊。角弓反張者為瘵。各不同也。

傷風傷食發搐

錢乙曰。傷風搐者。因傷風得之。口中熱氣出。呵欠頓悶。手足動搖。當發散。大青膏。小兒生來怯弱者。多此病也。傷食搐者。因傷

食後得之。身溫多睡多睡。或吐不思乳食。而發搐。當先定搐。如
羌活防風煎湯下。瀉青丸。搐退。白餅子下之。後服安神丸。
驚風先見之症。

危亦材曰。驚者。虛惕怔忡。氣怯神散。痰涎來去。其瀉必青。積漸
而生風也。

楊士瀛曰。驚邪入心。則面紅臉赤。惕惕夜啼。入肝。則面目俱青。
眼睛窳視。入腎。則面黑惡叫。咬乳咬牙。入肺。則面淡白。喘息氣
乏。入脾。則面淡黃。嘔吐不食。凡乳兒欲發驚風者。先神志不
定。恍惚懼人。剜眼上視。左顧右盼。伸手握拳。悶鬱努氣。情態不
如尋常。皆驚風先症也。

錢乙曰。咬牙甚者發驚。目直視。面色青。身反折者生驚。呵欠面
青者驚風。呵欠面黃者脾虛驚。目赤兼青者發搐。肝藏實熱。手

尋衣領亂捻物。目直視者必發驚。肝有風。目連劄。不搐有熱。則目直視。亦不搐。得心熱者。則搐。肝主風。風動而上行。頭目。目屬肝。風入于目。上下左右。如風吹不定。兒不任。故目連劄也。若熱入于目。牽其筋脉。兩眦皆繫。不能轉動。故目直視也。若得心熱。則搐。其子母俱有實熱。風火相搏。故也。
虞搏曰。王氏云。木能勝土。熱動心忡。而生驚也。靈桂骨火煉而驚。搐有聲無聲。

錢乙曰。驚癇發搐。男發搐。目左視無聲。右視有聲。女發搐。目右視無聲。左視有聲。相勝故也。男反右視。女反左視。亦皆有聲。李杲曰。男爲木。故左視木位無聲。右視金位相擊。則有聲。女爲金。故右視金位無聲。左視木位相擊。亦有聲。

急驚風

錢乙曰急驚本固熱生于心身熱面赤引飲口中熱氣出二便黃赤劇則發搐蓋熱盛則生風屬肝此陰盛陽虛也利驚丸主之以除熱痰不可用巴豆及溫藥大下之恐搐虛熱不消也小兒熱痰客于心胃因聞大聲非常則動而驚搐矣若熱極雖不聞聲及驚亦自發搐

張元素曰急驚者陽症也俱腑受病熱痰客于心肺是少陽相火旺經云熱則生風因聞人聲而作若謂東方震卦得火氣而發搐火本不動燄得風而動當用利驚丸導赤散瀉青丸搐止宜服安神丸

危亦材曰驚風形症不明若言陰症則渾身又溫若作陽症則又不大搐乃陰陽不和宜用防風溫胆湯下大驚元小驚元

楊士瀛曰急驚先當定搐搐由風也風由熱也搐已定方可下

熱退驚熱若不退驚亦不散 急驚截風定搐爲要風搐既定
次與下熱熱去則無風風散則不搐

朱震亨曰老醫常言小兒驚搐多是熱症若先便用驚風藥若

白附子全蝎姜蚕川烏之類便成壞症後有醫幼科者只用導此

赤散法其是加地黃防風進三服導去心經邪熱其搐便止次服寧神

膏神效

曾氏曰急驚之論前代書所不載惟曰陽癇大概失所愛護或

抱于當風或近于熱地晝則食多辛辣夜則衾蓋太厚鬱蒸邪

熱積于心傳于肝再受人物驚觸或跌撲叫呼雷聲鼓樂鷄鳴

犬吠一切所驚未發之時夜臥不穩睡中或哭或笑咬牙咬乳

鼻額有汗氣喘痰喘忽爾悶絕目直上視牙關緊急口噤不開

手足搐掣此熱甚而然况兼面紅脈數認急驚要法可辨蓋心有熱而肝有

風二臟乃陽中之陽心火也。肝風也。風火陽物也。風主乎動。火得風則烟焰起。此五行之造化。二陽相鼓。風火相搏。肝藏魂。心藏神。熱則神魂易動。故發驚也。心主乎神。獨不受觸。遇有驚則發熱。熱極生風。故能成搐。名曰急驚。治之之法。先發表。次通心氣。疏滌肝經。安魂退熱。驚風既除。與之去痰。免成痲疾。但不可用大寒涼藥。

李仲南曰。大要急驚用藥有次第。有輕重。開闔以後。且與截風定搐。風搐既定。却下痰熱。理爲至當。若患在痰熱。未有驚風。只可退熱化痰。不可妄投驚風藥。蓋藥中多用寒涼。恐引痰熱入經絡。凡病在熱。不可妄治痰。止當解表。病在驚。不可妄治風。蓋驚由痰熱。只可退熱化痰。而驚自止。病在痰。不可便治驚。急須退熱化痰。病在風。不可便治搐。蓋風由驚作。只可利驚化痰。其

風自散若驚亦有搐須用截風散至妙之道若治驚而痰不化熱亦不退驚安得自止化其痰熱若不退風亦不散痰安得去是知不治之治所以治之也急驚初傳風搐得定而痰熱一洩又須急與和胃定心之劑若搐定而痰熱無多則但用輕藥消痰除熱可也然急驚雖當下切不可過用寒涼致成慢驚且如只下痰熱不必太驟但斟酌處只用大黃一味足矣且急驚症原在于去肝風降心火幼幼書以爲至要之說也

薛已曰急驚之候牙關緊急壯熱涎湧竄視反張搐搦顫動口中氣熱頰赤唇紅脉浮洪數者此肝經血虛火動生風蓋風生則陰血愈散陰火愈熾火動則肺金愈虧肝木愈旺宜滋肝血養脾氣

王肯堂曰急驚由內挾實熱外感風邪心家受熱積驚肝家生

風發搐肝風心火二臟交爭風氣壅盛無可發洩故暴烈也又有搐搦反張斜視而牙閉不緊口無痰涎而氣熱未可直指爲驚風恐是傷風傷寒夾食夾驚疹痘等症此卽錢氏假搐之說又各依本症施治又急驚搐搦不可把捉但扶持之否則風痰逆入經絡遂使手足拘攣或成廢疾小兒急慢驚風古謂陰

陽癇急者屬陽陽盛而陰虧慢者屬陰陰盛而陽虧陽動而躁疾陰靜而遲緩皆因臟腑虛而得之虛能發熱熱則生風是以風生于肝痰生于脾驚出于心熱發于肝而心亦熱以驚風痰熱合爲四症搐搦掣顫反引竄視爲八候凡貶眼搖頭張口出舌唇紅臉赤面眼唇青及瀉皆青髮際印堂青筋三關虎口紋紅紫或青者皆驚風候也大抵肝風心火二者交爭必挾心熱

而後發始于搐故熱必論虛實正先分頂逆台則身後七處實

熱爲急驚。虛熱爲慢驚。慢驚當無熱。其發熱者。虛也。急驚屬陽。用藥以寒。慢驚屬陰。用藥以溫。然又必明淺深輕重。進退疾徐之機。故曰熱必論虛實。男搐左視左。女搐右視右。男眼上竄。女眼下竄。男握拇指出外。女握拇指入裡。男引手挽左直右曲。女引手挽右直左曲。凡此皆順。反之則逆。亦有先搐左而後雙搐者。但搐則無聲。搐逆則有聲。其指紋彎弓入裡者順。反外者逆。出入相半者難痊。故曰症必分順逆。陽病陰脉。陰病陽脉。亦爲反。熱甚生痰。痰甚生驚。驚甚生風。風甚發搐。治搐先于截風。治風先于利驚。治驚先于豁痰。治痰先于解熱。其若四症俱有。又當兼施並理。一或有遺。必生他症。故曰治有先後。綱領如此。若分三者言之。暴烈者爲急驚。沉重者爲慢驚。至重者肝風木之尅脾土爲慢脾風。丹溪云。忽驚用降火下痰丸。養血藥作湯下。

之慢驚當補脾兼用硃砂安神丸清米湯下。更于血藥中求之。如四物四君東垣黃芪益黃散之類。世以一藥通治甚妄。薛氏于急慢驚癇之外。又出驚風一症。其候虛惕怔忡氣怯神散痰涎來去洩瀉色青。蓋驚之輕而虛者也。若驚入心則面赤夜啼。用梔子清肝湯加黃連。若入肝則面青眼窳。用柴胡清肝湯。若入脾則面黃嘔吐虛汗嗜臥。用六君子湯加柴胡山梔。若入肺則面白喘急。用異功散加柴胡桔梗。若入腎則面黑嚙乳咬牙。用六味地黃丸。

葉桂一。小兒倉猝驟然驚搐。古曰陽癇。從熱症治。古人用涼膈散爲主方。按急驚屬陽熱病。用涼膈以清膈間無形之熱。膈上邪熱逼近臚中絡閉則危殆矣。此宣通乃一定之法。然必詢病因。察時候治之。幼科以痰熱風驚四治。猶可說也。吾鄉有喘

科立方。鈎藤連喬木通薄荷前胡枳殼桔梗加入表散消食多
不效驗。驚爲七情內應乎肝。肝病發驚駭木強火熾其病動
不能靜且火內寄肝胆火病來必迅速後世龍薈芩連必加水
麝硝黃取其苦寒直降鹹苦走下辛香通裡竅之閉也如牛黃
丸至寶丹紫雪皆可選用。凡熱邪寒竅神迷昏憤者做此鈎
藤丹皮之屬僅洩少陽胆熱與急驚暴熱內閉之症無益若火
熱劫燬血液苦寒鹹寒不中與也宜犀角地黄湯之屬。方書
有鎮墜金石之藥有攻風劫痰之藥雖非常用要不可不效。
驚與厥皆逆亂之象仲景云。蛔厥都從驚恐得之。凡吐蛔腹痛
嘔惡明是肝木犯胃。幼醫亂治束手告斃。余宗仲景法每效。

慢驚風

錢乙曰。慢驚因大病後。或吐瀉。或只吐不瀉。變成脾胃虛損。遍

身冷。口鼻氣出亦冷。手足時痠癢。昏睡露睛。此無陽也。宜瓜蒌湯主之。

張元素曰。慢驚者。陰症也。俱臟受病。

曾氏曰。治慢驚者。攷之古書。亦無所據。惟載陰癇而已。蓋慢驚屬陰。陰主靜而搐緩。故曰慢。其候皆因外感風寒。內作吐瀉。或得于大病之後。或傳悞轉之候。目慢神昏。手足偏動。口角流涎。身微溫。眼上視。或斜轉。或兩手握拳而搐。或兼兩足動掣。各辨男左女右。搐者爲順。反此爲逆。口氣冷緩。或顛門陷。此虛熱也。脉沉無力。睡則揚睛。謂兩目半開半合。此真陽衰耗。而陰邪獨盛。陰盛生寒。寒爲水化。水生肝木。木爲風化。木尅脾土。胃爲脾之腑。故胃中有風。痲癢漸生。其痲癢狀。兩肩微聳。兩手垂下。時復動搖不已者。名曰慢驚。宜以青州白元子蘇合丸入姜汁拌。

勺米飲調下。虛極者加金液丹。

虞搏曰：慢驚者因吐瀉日久，中氣大虛而得。蓋脾虛則生風，風

盛則筋急，宜用溫白丸。鰲按：脾虛則生風者，非風自脾生，以脾

則筋急，以肝主筋故耳。觀溫白丸中姜

蚕全蠋白附天麻等皆治肝藥可見。李梴曰：陰症慢驚，自陽症急驚傳來，經吐瀉便是慢驚。男子

以瀉得之為重，女子以吐得之為重。慢驚因吐瀉得者，宜醒

脾散加味朮附湯。虛風痰多者，宜八仙散。慢驚純陰症，宜烏蝎

散。或陽症尚在，宜蟬蝎散。若有急驚，方傳慢候而尚有陽症，八

候尚在，不必回陽。但與截風調胃用蟬蝎散醒脾散。若手足冰

冷，方可回陽。用硫黃附子。瀉滑青者，宜防慢驚。蓋瀉青色乃

夾驚木尅土也。

李杲曰：小兒慢驚，或吐利不止，變成虛風搐搦者，非風也。胃氣

欲絕也。用來復丹五粒研碎米飲調下即效。

史演山曰：慢驚之候。蓋由急驚過用寒涼。或轉太驟。傳變成之。又有吐利不止而成者。有氣虛暴吐瀉而成者。有夏月脾胃伏熱。大吐瀉。當解暑熱。不可尚曰固陽。有臟虛洞瀉成者。有得之久嗽作癇者。有得之發癇不已者。有得之蟲積中心者。惟吐瀉積痢成虛致之。則症變甚速。凡經吐瀉。便是慢驚。須用溫中扶裡。或搐來緊急。乃慢驚。初傳尚有陽症。不可誤作急驚。世言搐慢爲慢驚。非也。若泥此。往往指慢脾爲慢驚矣。凡慢驚。男子以瀉得之爲重。女子以吐得之爲重。又吐有五症。瀉有五症。各明所因。主治古云。病家怕驚。不怕瀉。醫家怕瀉。不怕驚。如因洩瀉不止。且先治瀉。若更治風。則驚風愈甚。如因他症。則當循原施治也。其慢驚候。若從急驚傳來。只可截風調胃。均平陰陽。不

可全用陽藥使陽歸陽復作急驚之症

張煥曰急驚以開竅不通略用冰麝開通定其搐搦尚可慢驚

陰重陽虧諸經已虛不宜開通又涼其臟易作慢脾風致不易

療

聞人槻曰慢驚危急如眼睛昏定定而硬雖硬不左右顧或竄

視四肢厥冷汗出如流口面黧暗指甲黑四體垂躄至重慢

驚症眼半開半合似睡不睡是也其脉或浮或沉身或熱或涼

或吐或瀉或不吐不瀉或食乳或阻乳名半陰半陽合病即如

傷寒半表半裡也

葉桂曰慢驚古稱陰癇其治法急培脾胃理中湯為主方有痰

嘔吐用南星白附子六君子湯聲音不出開竅加竹瀝姜汁菖

蒲根鬱金之屬是病皆他病致變其因非一有過饑禁食氣

傷有峻藥強灌傷胃。有暴吐暴瀉。脾胃兩敗。其症面青眊白。身無熱。雖熱不甚。短氣骨爽。昏倦如寐。皆溫補治之。惟嘔逆不受乳食。溫補反佐姜連。連理湯錢氏益黃散錢氏異功散。

慢脾風

楊士瀛曰。慢脾風由慢驚後吐瀉損脾。病傳已極。總歸虛處。惟脾所受。故曰脾風。風無可逐。驚無可療。但脾間痰涎凝滯。虛熱往來。其眼合者。乃脾困氣乏神迷也。要旨。若見眼合便是脾風。

慢驚眼在半開半合之間。乃知陰氣所盛。傳入臟間。陽氣已虧。脾經屬陰。次第入脾。故言慢脾風候也。慢驚其眼半開半合。則當預作慢脾風調理。慢脾風之候。面青額汗。舌短頭低。眼合不開。睡中搖頭吐舌。頻嘔腥臭。噤口咬牙。手足微搐而不收。或身冷。或身溫。而四肢冷。其脈沉微。陰氣極盛。胃氣極虛。十救。

一二蓋由慢驚風傳變。宜黑附湯救之。又生附四君子湯。蝎附散皆可。慢脾風用藥乃不得已也。其危如燈無油。漸見昏滅。錢氏用金液丹與青州白元子各半研勻。米飲薄荷湯下一錢。或錢半。此截風回陽也。

張雲岐曰。小兒頭雖熱。眼珠青白而足冷。頭雖熱。或腹脹而足冷。頭雖熱。或洩瀉而足冷。頭雖熱。或嘔吐而足冷。頭雖熱。或渴而足冷。已上五症作搐者。名曰慢脾風。速與補脾益真湯加全蝎一枚。或全蝎觀音散。

譚殊聖曰。慢脾風又名虛風。小兒或吐或瀉後。面色虛黃。因虛發熱。總見搖頭斜視。昏困額汗。身亦黏汗。聲沉小而焦。卽是脾風之症。不必定因急慢驚傳次而至。慢脾惟吐與瀉。積與痢傳入。其症變至速。虛更速也。治必循次平和。無令速愈之理。調

脾養胃不可過劑也。鰲按湯氏法凡因吐瀉成虛風慢脾者先調控下涎後服醒脾散。

天吊 內吊附內

李挺曰小兒痰癇不定翻眼戴睛狀若神祟頭目仰視手足抽掣如魚之上釣故曰天釣甚者爪甲亦青此由乳母過食熱毒心肺生熱加以外感風邪所致宜用九龍控涎散鈎藤散熱勝則保命丹痰盛則抱龍丸 又有驚風內釣之症腹痛多啼面青唇黑偃僕反張外腎腫尿如米泔眼有紅筋血點乃寒氣壅結也宜鈎藤膏

閻孝忠曰天吊亦驚風症也但天吊發時頭目必仰視驚風則無此症狀

張匯曰小兒心膈壅滯邪熱痰涎蘊積不得宣通或乳母飲酒

食肉煩毒之氣流入乳中令兒宿滯不消邪熱毒氣乘于心神
致使驚悸眼目翻騰壯熱不休瘕瘵病名天釣甚者爪甲皆青
狀如神崇宜一字散牛黃散

薛已曰內釣者腹痛多喘唇黑囊腫偃僕反張眼尾赤此胎中
受風及外驚所致若內藏抽掣作痛狂叫或泄瀉縮腳內症一
作外症亦然極難調理內症服聚寶丹外症服釣藤飲進乳食
者可治若因乳母厚味宜加味清胃湯若因乳母鬱怒積熱加
味逍遙散加漏蘆

急慢驚諸惡候

曾氏曰急驚天吊之後有變作潮熱似瘧者手足逆冷蓋因病
愈時不善將護風邪乘虛而入經絡所致此症所用藥品可間
使苦寒之味務在消陽盛之火肺金得勝肝木自平而風邪亦

散斯爲良法

關孝忠曰驚風或洩瀉等症有煩渴者皆津液內耗也不問陰陽宜錢氏白朮散使滿意取足飲之愈多愈好

薛已曰諸驚有目睛瞶動者蓋目者肝之竅肝胆屬風木二經兼爲相火肝藏血血不足則風火內生故目瞶動宜用四物湯益其血柴胡山梔清其肝陰血內榮則虛風自息矣

有唇口蠕動者唇爲脾之華口乃脾之竅又陽明之脈環唇口而交人中是以脾胃虛者多有此症不獨病後而已夫脾主涎脾虛不能收攝多兼流涎或悞認爲痰而祛逐之則津液益枯不能滋養筋脉遂致四肢抽搐病勢愈甚原其治法與慢脾風相同當大補脾胃加升柴切勿用青皮龍胆之類

有忽然驚搐目直者皆肝之風熱也若肝虛生風則目連劄而不搐及多欠咬牙

若肝經風實。則目直大叫。而欠項急頓悶。若肝經有熱。則目直
視不搖。得心熱。則搖。氣熱。則外生氣溫。則內生其症。手尋衣領。
及亂捻物。宜瀉青丸。壯熱喘悶。宜瀉白散。有睡中驚動者。由
心腎不足也。蓋心主血。與神。肝藏血。與魂。肺主氣。與魄。腎主精。
與恐。小兒臟腑脆弱。易于驚恐。恐則氣下。驚則心無所依。神無
所歸。且人之神氣。寤則行于目。寐則棲于腎。今心腎既虛。則不
能寧攝精神。故睡中驚動。治宜清心安神。用茯苓補心湯。加茯
神棗仁五味。亦有驚嚇而作者。因擊動其肝。故魂不安也。治宜
鎮驚定魄。用安神鎮驚丸。有驚後目微動。咬牙者。皆病後亡
津液。不能榮其筋脈也。亦有肝經虛熱而生風者。當審其氣血
有餘不足而治之。有驚泄者。肝屬木。盛則必傳尅于脾。脾土
既衰。則乳食不化。水道不調。故洩瀉色青。或兼發搐者。蓋青乃

肝之色。搐乃肝之症也。亦有因乳母脾虛受驚及怒動肝火而致者。法當平肝補脾。若用峻攻之藥。脾氣益虛。肝邪彌甚。甚至抽搐反張者。亦肝火熾盛中州虧損之變症也。凡見驚症。卽宜用四君六君異功等方。加白附子定風柴胡平肝引經以杜漸。則必不至瀉搐而自安矣。今已見瀉吐驚搐。尚不知補脾平肝以保命丹抱龍丸鎮驚丸等治之。其亦去生遠矣。
驚風諸變症。驚癱鶴膝。搖頭。

曾氏曰。肝屬木。其動則應風。病則主驚駭。諸熱引肝風。風生痰。痰作搐。小兒驚風之際。手足動掣。當聽其自定。然後療之。免生異症。或父母見病勢可畏。從而按伏之。豈知筋者肝之合也。臨發病時。若按束其手足。則筋不舒伸。遂至經絡爲風所閉。致成

不隨。此爲驚癱候也。若治之稍遲，至臂腕膝脛骨節之間流結頑核，或膝大而脛肉消，脛骨露如鶴膝之狀，或爲瘡爲癩，此名鶴膝候也。並宜發汗爲先，使腠理開通，則風熱可除。有濕亦去，用百解散和五苓散料，倍加麻黃加姜葱煎服，微汗爲度。次用防已湯獨活湯加桑寄生，或黑虎丹作少丸子間服，使風不生而痰不作，則易愈。若爲瘡爲癩，疼重者，用黑牽牛半生半炒研煎，無灰酒調下五苓散，以除流注之寒濕，則腫毒自消。如入腑閉而不通，是風熱內蘊，其右腮紅紫，及右手三部脈浮而滑實，宜五和湯或當歸散，其加戒尤在臨機。若泥一方，非良醫也。前症更宜間服排風湯。

薛已曰：鶴膝風者，其腿漸細，其膝愈粗，狀如鶴之膝，是以名之。此因腎經不足，外邪乘之，初則膝內作痛，外色不變，伸屈艱難。

若一二月間。燉腫色赤而作膿者。可治。腫硬色白而不作膿者。難治。初起以大防風湯爲主。而佐以益氣養榮湯。乃爲正治。婁全善曰。肝風搖頭者。乃肝血液盛。外有風熱乘之。故相引動。搖而不定也。

王肯堂曰。猶憶少時聞友人孫彭山云。嘗見一小兒患驚搐。延醫治之。諸症悉退。獨頭搖不止。後一老醫于常服藥中加入紫河車草。卽時愈。按此草神農本經名蚤休。唐本名金線重樓。錢氏方名白甘遂。主治驚癇搖頭弄舌。乃本經正文。古人謂遵白文療病多效。不虛也。

諸驚不治症

龔信曰。眼睛翻轉。口中出血。兩足擺跳。肚腹搐動。摸體尋衣。神昏氣促。噴藥不下。通關不噎。心中熱。忽大叫者。皆急驚不治之

症也。四肢厥冷。吐瀉咳嗽。面黯神憊。胃痛鴉聲。兩脇動氣。口生白瘡。髮直搖頭。眼睛不轉。涎鳴喘噎。項軟。二便不禁。手足一邊牽引。皆慢驚不治之症也。

羅謙甫曰。患慢驚者。若似搐而不甚搐。似睡而精神散慢。四肢與口中氣皆冷。睡中露睛。或胃痛而啼哭如鴉聲。此症已危。蓋脾胃虛損故也。

楊士瀛曰。慢驚欲絕之候。虛痰土攻。咽喉引氣。呼吸粗大。脉來浮數。是謂陰盛強陽。錯認以爲陽氣已復。與藥下痰。痰隨藥下。氣隨痰絕。殊不知覆燈將絕之時。雖不下藥。亦無生意矣。慢脾風。身冷粘汗。直臥如尸。喘嗽頭軟。背直口噤。頭搖。二便不禁。唇縮氣粗。痰如牽鋸之聲者。不治。慢脾風。若一臟絕。卽不可下。藥如眼無光。指甲黑。四肢垂躄。五體俱冷。並不須下藥。

滑伯仁曰。諸驚搐而不休。休而再搐。驚叫發搐。汗出足冷。痰滿胸喉。口開目直者。皆不治。

幼科釋謎

癩症

沈金鰲輯

仆他作聲醒吐澆涎異于驚病命之曰癩小兒惡候癩其一焉所以然者氣骨不堅臟腑尚弱血脉未全乳哺失節客氣相干惟風驚食乃癩之原風屬外感驚屬內緣不內不外食所是專蓋此三因之癩各纏別其經絡脾與心肝然古癩症稱有五端五臟配合六畜殊看一曰馬癩馬叫連連此其所屬心火熬煎二曰羊癩羊叫綿綿此其所屬肝風作愆三曰鷄癩鷄鳴闕闕此其所屬肺部邪干四曰猪癩猪叫漫漫此其所屬右腎病傳五曰牛癩牛吼嘽嘽此其所屬脾土濕淫應聲而發俱各小顛心則面赤吐齧舌尖肝則面青手足掣攣腎則面黑體直尸眠肺則面白驚跳頭旋脾

則面黃四肢緩癱。古人分辨若是班班然。諸癩症莫不有痰咽喉梗塞聲出多般致疾之由。驚食風寒血滯心竅邪犯心官。隨聲所發輕重斷聯。雖似六畜詭竟確然。奚分五臟附會。茆茆通心主血脉調宣豁痰順氣治法真詮。醫者識此慎毋改遷。癩爲心病。庶乃肝癩風邪所襲。太陽最先。肝風內煽。相與招延。內外風合。強直難拔。角弓反張。發則如弦。不搐不搦。目惟上觀。有剛有柔。悉心以探。大約氣虛病根內。拴兼痰挾火病勢難安。治癩之法其旨甚元。搖頭噤口相類爲緣。乘脾合胆區別其間。

癩瘕之分

張元素曰。身軟時醒者爲癩。身反張強直如弓。不時醒者爲瘕。一無一生。瘕與癩亦驚風之屬。

陳藏器曰。驚癩卽急驚之症。但驚癩發時仆地作聲。醒時吐涎。

沐急慢驚俱不作聲不吐沫也

楊士瀛曰。瘛者手足冰冷。瘲者舉身強直。瘛瘲本一病。當以陽剛陰柔別之。剛者有汗。柔者無汗。其症肢體強直。腰身反張。甚于風癘。六抵不治。瘲者卒然暈倒。目瞪流涎。神氣鬱勃。四肢搐搦。沉默昏憤。似死似生。其聲惡叫。過後惺惺。治法惟以驚風食三種。陰陽二症別而治之。如驚瘲者。恐怖積驚而發。啼叫恍惚。宜定魄丸。沉香天麻湯。風癘者。風邪外襲。先屈手指如數物。乃發。宜追風祛痰丸。食瘲者。乳食時遇驚。停積或成癖。或大便酸臭。宜紫霜丸。始也身熱。抽搐啼叫。是爲陽瘲。易治。宜龍腦安神丸。始也身無熱。手足清冷。不抽搐。不啼叫。是爲陰瘲。難治。宜引神歸舍丹。因急驚成瘲。宜三瘲丹。因慢驚成瘲。宜來復丹。取利胎中受驚成瘲。宜燒丹丸。瘲病方萌。耳後高骨間必有青

紋紛紛如線見之急用爪破須令血出啼叫尤得氣通更易效也。

薛已曰錢云角弓反張者由風邪客太陽經也足太陽主周身之氣其脉起于目内眥而行肝屬木主風所以風邪易侵也夫小兒皮膚未密外邪易傷肝爲相火其怒易發若身反張強直發熱不搐者風傳太陽也宜人參羌活湯丹溪云瘧比癩爲虛宜帶補多是氣虛有火兼痰用人參竹瀝治之不用兼風之藥此論實發前人所未發前輩雖云十無一生蓋未嘗有此法施于人也。

陰陽二癩

史演山曰陽癩者因感驚風三次發搐不爲去風下痰則再發曰二次者或一月或一季一發驚搐必經過三度故曰三次非

一日三次也。所謂驚風三發，卽爲癇者是也。其候身熱自汗，上視嚼沫，咬牙，手足掣搐，面紅紫，脈皆浮數。以白解散加五種湯，疎解下痰，用水晶丹、半夏丸。陰癇者，因慢驚後去痰不盡，痰入心包，而得四肢逆冷，吐舌搖頭，嚼沫，牙閉緊閉，不甚驚搐，作帝面色，或白或青，脈沉微，治以固真湯，調寬氣飲和解。

王汝言曰：癇，小兒之惡候也。蓋小兒血脈不斂，氣骨不聚，爲風邪所觸，爲乳哺失節，停結癖積而得之。其候神氣怫鬱，瞪目直視，面目牽引，口噤流涎，肚腹膨脹，手足掣搐，似死似生，或聲或啞，或項背反張，或腰脊強直，但四體柔弱，發而時醒者，爲癇。若一身強硬，終日不醒者，則爲瘖症，不可不辨。

風驚食三癇

王肯堂曰：全嬰方云：風癇，因將養失度，血氣不和，或厚衣汗出。

腠理開舒。風邪入之。其病在肝。肝主風。其症目赤。面青發搐。宜琥珀散。駐風膏。大青膏。有熱。四順飲。退後。與利驚丸。下其痰涎。驚癇。因血氣盛實。臟腑生熱。或驚怖大啼。精神傷動。外邪入之。其病在心。心主驚。其症。忽然叫聲發搐。宜琥珀散。鎮心丸。有熱。四順飲。利驚丸。下之。不生別病。食癇。其病在脾。脾納食。其症。噉吐酸氣。卽發搐。此症。或大便酸臭。紫丸子下之。以上三症。大同小異。並屬陽也。各目睛翻斜。手足潮搐。或作猪聲。發過卽差。皆十生一死。

五臟癇

薛已曰。面赤目瞪。吐舌嚙舌。心煩氣短。其聲如羊。曰心癇。面青唇青。兩眼上竄。手足攣掣。反折。其聲如犬。曰肝癇。面黑目振。吐沫形如尸。其聲如猪。曰腎癇。面如枯骨。目白反視。驚跳反折。搖

頭吐沫其聲如鷄曰肺癰面痿黃目直腹滿四肢不收自利其聲如牛曰脾癰五癰通用五色丸爲主參以各經之藥

王肯堂曰按千金敘六畜癰無五臟之分錢氏始分之而無馬癰曾氏謂初發作羊犬聲者咽喉爲風痰所梗聲自如此其理甚明言六畜者強名之耳故丹溪謂于經旣無所據而治法亦未有五者之分所以不必分五也

癰症治法

劉完素曰太抵血滯心竅邪氣在心積驚成癰通行心經調平血脉順氣豁痰乃其要也假如小兒有熱有痰不欲乳哺眠睡不安常常驚悸此皆發癰之漸卽以紫霜丸導之時間量與此丸減其盛氣則無驚風癰釣之患諸癰發不能言者蓋咽喉爲氣之道路風傷其氣以掩聲音道路之門抑亦血滯于心心

竅不通所致耳。南星炮爲末，猪胆汁調和少許，吹之極效。若錢氏五癩丸、南星散，以菖蒲湯調下，治癩之要藥也。

諸癩不治症

錢乙曰：五癩甚者死，病後甚者亦死。

婁全善曰：小兒癩病，目直無聲，目覩不轉，眼生白障，唇黑眼慢，瞳人瞬動，目間青黑，面青指黑，口出涎沫如白膿，口噤肚脹，不乳，喉如牽鋸之聲，多睡不乳，身熱下血不乳，身體痿軟不醒，腹內虛鳴，痞逆而痛，吐利不止，汗出壯熱不休，臥久不寢，身體反張，大人脊下容一手，小兒脊下容一指，並不治。

瘈必拘攣

張渙曰：小兒瘈病，所受肝風怯弱，致筋脈攣縮，兩手拳伸，展無力，是名拘攣，宜薏苡丹。

疳積

沈金鰲輯

古稱兒病驚疳最大驚得心肝疳得脾胃臟腑因由各不相蔽童
稚之時病則爲疳弱冠而後病成癆瘵同出異名惟年齒計元氣
虧傷氣血虛憊其原則一非有他癘曰惟小兒臟腑嬌脆飽固易
傷饑亦爲害熱則熏蒸冷則凝滯故疳之來必有伊始或幼闕乳
耗傷形氣此疳之根積漸生蒂或兩三歲乳食無制此疳由脾過
飽反瘁或喜生冷甘肥粘膩此疳由積腸胃氣閉或母自養一切
無忌喜怒淫勞卽與乳吮此肝由母傳氣爲疳或因病餘妄行轉
洩胃枯液亡虛熱漸熾此疳由醫冒昧錯治天抵疳病緣此等弊
然而古人五臟分隸俱各有症形各有方劑肝心腎肺脾總多累
二十四候更宜體會莊氏家傳最爲詳備總之疳候必先貪嗜鹽
酸炭米好喫泥塊口渴且饑形體憔悴潮熱腸鳴面黃便穢漸漸

腹脹牙乾目昧。揉鼻擤眉。脊高項細。甚至縮腮。頭皮光異。肚大筋青。髮焦毛萃。齟爛腿枯。周身疥癩。種種惡候。詎必齊逮。約畧形神。實惟危殆。爲語病家。毋徒嗟喟。失治于前。今亦無奈。

疖病原由症治

錢乙曰。大抵疖病。當辨寒熱肥瘦。其初病者爲肥熱疖。久病者爲瘦冷疖。冷熱交作者爲冷熱疖。當分治之。諸疖皆當補其母。假令日中發潮熱。是心虛熱也。肝爲心母。法當先補肝。母肝實而後瀉心。心得母氣。則內平而潮熱自愈矣。

危亦材曰。疖者乾也。瘦瘁少血也。皆由氣血虛憊。臟腑受傷。故有五臟疖。外有蛔疖。脊疖。腦疖。乾疖。疖渴。疖瀉。疖痢。疖腫。疖瘡。疖勞。無辜疖。丁奚。哺露。治之各有方。其病多因乳哺失常。肥甘不節。腸胃積滯。而得之。惟腎疖害人最速。蓋腎虛受邪。疖奔上焦。

故以走馬爲喻。初作口臭。次傳齒黑。齦爛。熱血迸出。甚則齒脫。宜急治之。繼得全活。然齒不復生矣。

張元素曰。疳者。小兒受癖。或久吐瀉。醫者妄投轉過之藥。小兒易爲虛實。致令胃虛而亡津液。內發虛熱。外消肌肉。一臟虛則諸臟皆弱。其病目胞腫。腹脹。利色無常。漸加瘦瘠。久不痊。可是腸胃有風。宜宣風散導之後。則各依本臟補其母。

聖惠方曰。凡小兒疳在內。眼澁。腹脹。利色無常。或如泔淀。日漸羸瘦。此候可療。若鼻下赤爛。自揉鼻。頭上有瘡。生痂痛痒。漸漸流引。透于兩耳。時時目赤。頭髮稀疎。腦皮光緊。頭大項細。肌體瘦羸。亦可治也。若唇口被蝕。齒齦五色。或盡峭黑。舌下有白瘡。上腭有竅子。口中時有臭氣。齒齦漸染欲爛。亦可治也。若下部開張。有時赤爛。痒不可忍。下利無常。亦可治也。若疳蝕脊脊。十

指皆痒。自咬指甲。頭髮作穗。脊骨如鋸。有時腹脹。有時下痢。若急治之。無不差也。惟五疔有絕候。皆不可治。一襯着腳中指痕。不覺疼。二抱着手足垂躄無力。三病未退。遍身不煖。四臟腑瀉。青涎及沫不止。五項筋舒展無力。如此之候。皆不可治也。

初虞世曰。有熱疔。有冷疔。有冷熱疔。此其要也。熱疔者。病多在。外。鼻下赤爛。頭痒濕痒。五心煩熱。掀衣氣粗。渴引冷水。煩躁臥。地。吐熱。脚冷。潮熱往來。皆熱疔也。冷疔者。病多在內。利色無常。其沫青白。肢體軟弱。目腫面鰲。又一症。躁渴臥地。似有熱狀。惟飲食不進。滑洩無已。亦冷疔也。其有瀉多膿血。日加瘦弱。此則謂之冷熱疔。大抵疔之受病。皆虛使然。熱者。虛中之熱。冷者。虛中之冷。治熱不可妄表。過涼。治冷不可峻溫。驟補。故曰。小兒易為虛實。腫虛不受寒。溫服寒。則生。冷服溫。則生。熱當識。此勿誤。

會氏曰大抵疳之爲病皆因過餐飲食于脾家一臟有積不治傳之餘臟而成五疳之疾若脾家病去則餘臟皆安苟失其治日久必有傳變脾家病宜沉香檳榔丸烏犀丸更察虛實療之有虫者史君子丸心腹痛吐清水虫自下者二聖丸諸疳症皆宜用五疳保童丸萬應丸常服化積治疳仍各投本臟調理之劑寧心袪神湯調肝芪歸湯調脾參苓白朮散補肺補肺散補腎調元散庶各得其宜前症不致再作

葉桂曰幼兒斷乳納食值夏月脾胃主氣易于肚膨泄瀉頭及手足心熱形體日瘦或煩渴善食漸成五疳積聚當審體之強弱病之新久有餘者當疏胃清熱食入糞色白或不化當健脾佐消導清熱若濕熱內鬱虫積腹痛導滯驅虫微下之緩調用肥兒丸之屬稗年五疳猶大方五癆雖方書有五臟之分是

症夏令爲多。固從脾胃。蓋小兒乳食雜進。運化不及。初斷乳後。果腥雜進。氣傷滯聚。致熱蒸于裡。肌肉消瘦。腹大肢細。名曰丁奚。或善食。或不嗜食。或渴飲無度。或便瀉白色。久延不已。多致凶危。宜忌食生冷。腥肥凝滯。治法初用清熱。和中分利。次則疎補化運。一定之理。

五臟疳

錢乙曰。肝疳亦名風疳。白膜遮睛。亦名筋疳。瀉血而瘦。心疳亦名驚疳。面黃頰赤。身壯熱。脾疳亦名食疳。面黃腹大。食泥土。又名肥疳。身瘦虛黃。乾而有瘡。其候不一。今略舉之。目澁。或生白膜。唇赤。身乾黃。或黑。喜臥冷地。或食泥土。身有瘡疥。瀉青白黃沫水。利色變易。腹滿。髮鬚作穗。頭大項細。極瘦。飲水。肺疳亦名氣疳。氣喘。口鼻生瘡。腎疳亦名急疳。極瘦。倉芥亦名

骨疔喜臥冷地

曾氏曰肝疔生眦髮際左臉多青或曰睛微黃瀉利夾水或如

苔色心疔咬牙舒舌愛飲冷水喜伏眠于地脾疔愛食冷

物引飲無度身面俱黃髮稀作穗頭大項小腹脹脚弱或瀉肌

瘦目慢晝涼夜熱不思乳食肺疔鼻下赤爛手足枯細口腥

右腮皸白腎疔兩耳內外生瘡脚如鶴膝頭縫不合或未能

行牙齒生遲其縫臭爛傳作走馬疔之類

王漢東曰凡治疔不必細分五疔要上但虛則補之熱則清之冷則

溫之吐則治吐利則治利積則治積虫則治虫不出集聖丸一

方加減用之屢試屢效

無辜疔

聖惠方曰小兒無辜疔腦後有核如彈丸捏之反下轉是也若

不速去。當損其命。此核初生。軟而不痛。中有虫如米粉。得熱氣漸長大。大則筋結定。定卽虫隨血氣流散。所有停畜。子母相生。侵蝕臟腑。肌肉作瘡。或大便洩膿血。致漸黃瘦。頭大髮直。手足細弱。從茲夭折。

王漢東曰。小兒無辜疾者。蓋是饑飽勞役風驚暑積。入邪所傷。久漸黃瘦。吃食不長。肌肉夜間多哭。身上或發微熱。多渴。不知饑飽。或生瘡癰是也。

疳病二十四候

莊氏家傳曰。第一候。瀉膿血。日漸瘦。是冷熱疳。第二候。脚細肚高。胸前骨生。愛吃泥土酸鹹。日久通身黃。時時吐逆。下利腹內疼痛。是脾疳。第三候。鼻下赤爛。愛揉眼。兼血痢。是肺疳。乃

熱下冷。漸漸昏沉。日夜煩哭。第四候。皮虛皴。面無顏色。身上

燥痒。心煩。第五候。毛髮稀疏。鼻内生瘡。是肺疔。第六候。頭

生瘡。髮稀焦。是肝疔。第七候。牙變黃赤不定。是腎疔。第八

候。髮焦乾。鼻下生瘡。是肺疔。第九候。咬指甲。毛髮作穗。四肢

沉重。是心疔。第十候。齒虫蝕。肚上筋生。是骨槽疔。第十一

候。肚逆腹脹。是胃疔。又名炒疔。第十二候。牙齦臭爛。面無顏

色。不思食。是脾疔。又名口疔。第十三候。腹脹氣急。因曾吃生

肉。腹內有虫。第十四候。鼻肉乾燥疼痛。口中臭氣。是心脾疔。第十五候。脚細

牙根有鮮紅血。是疔肺疔。肚高并青筋。是脾疔。第十六候。非時生瘡。愛吃冷水。是熱疔。

第十七候。皮膚上生粟子。糞中米出。是脾冷疔。第十八候

氣滿腹脹。及口乾。是心胃疔。第十九候。愛吃生米。麵炭磚瓦

是脾胃疔。第二十候。揉鼻揩眼。咬指甲。愛飲水。是肝渴疔。

第二十一候。多寒熱。愛臥不起。是骨熱疢。第二十二候。愛飲水。目不開。是肝疢。第二十三候。肌體或熱或涼。發渴無時。是急疢。第二十四候。牙根黑。唇懶開。開則赤。是心疢積熱。

丁奚哺露

李挺曰。丁奚者。腹大頸細黃瘦是也。丁者。手足與項極小伶仃也。奚者。腹大也。甚者尻高肉削。臍突胸滿。或生穀癥。愛吃生米土炭等物。宜十全丹布袋丸。哺露者。虛熱往來。頭骨分解。反食吐虫。煩渴嘔噦。骨瘦稜嶒露形。蓋丁奚哺露皆因脾胃久虛。形體瘦削。亦由胎稟所成。盡皆無辜種類。並難治。大體相似。宜十全丹布袋丸。

疢病名目

史嶺山曰。積是疢之母。所以有積不治。乃成疢候。又有治積不

下其積存而臟虛成疳尤重。大抵小兒泄瀉無時作渴虛熱煩躁下利腫滿喘急皆疳候虛症。古云疳虛用補是知疳之為疾不可更利動臟腑發作之初名曰疳氣。肚大脹急名曰肝虛瀉利頻併名曰疳積。五心煩熱名曰疳熱。毛焦髮穗肚大筋青好吃異物名曰疳極熱發往來形體枯槁面無神采名曰疳癆。手足細小項長骨露尻髻無肉腹脹臍突名曰丁奚。食加嘔噦頭骨分開作渴引飲虫從口出名曰哺露。總皆疳候。

五疳出虫法

聖惠方曰五疳久而不差則腹內必有虫。肌體黃瘦下利不止宜服藥出之。用聖惠乾蟾丸則疳氣漸退。其虫狀如絲髮或如馬尾多出于腹背及頭項上。若虫色黃白赤者可治青色者不可療也。又有積疳虫虫蝕脊膂身熱羸瘦黃色積中生熱煩

渴下利拍背如鼓鳴。脊骨如鋸齒。或十指皆瘡。頻咬爪甲是也。
宜聖惠金蟾散。

走馬疳

王好古曰。走馬疳。疳蝕之極也。乃五臟蒸熱。上攻。甚卽偏沿作崩沙候。牙邊肉腫爛。口內氣臭。身微潮熱。吃食不得。牙縫出鮮血。常動搖似欲脫。肉爛自漏。落治之。先以淡鹽湯洗口。卽下紫金散。搽之。日三次。指殺牙邊肉內虫。如大段甚。卽下秋霜散。搽之。然後以天竺黃散。夾地黃膏調理。卽安。如不退。先落齒一兩三個。卽死不治。相次面光發腮。漏見骨而殞。鰲按。曾氏治法。先去積熱。用當歸散。合三稜散。加姜棗煎服。次投蘆薈丸。玉露飲。及以鹽溫水灌漱。或以軟鷄翎蘸鹽水拂洗拭乾。以蜜陀僧散傅之。若經久不愈。導于唇之上下。成崩。疳症。腮穿齒落而死。

疳疔不治症

危亦材曰如疳癆疳瀉面槁色天齒張骨露腹硬不食皆危篤症也

李梴曰肝疳目帶青左脇下硬多吐沫眼頭黑者不治心疳耳邊有青脉舌上有焦點者不治脾疳肚大青筋唇口無血色人中平下利不止者不治肺疳嗽逆氣急瀉白水身上黑斑者不治腎疳要吃鹹酸飲水不住小便如粉汁齒黑有瘡骨出耳乾腦焦不治疳渴飲水不止舌黑者死疳癆氣促者死疳瀉痢咳逆脫肛者不治

...

...

...

...

...

...

...

...

...

...

...

發熱煩躁

沈金鑿輯

病有輕重無不熱。歛熱不一端。內外久暴。陰虛內燒。陽盛外燥。病久骨蒸。病暴液耗。驚食風寒。疝痰癖癩。皆令發熱。昏迷顛倒。各有兼症。均宜詳校。而此諸熱。五臟分攬。額赤咬牙。掌中若燎。渴飲或嘔。心熱可料。左頰先赤。便難筋掉。多怒多驚。肝熱如告。鼻赤嗜臥。肢體惰傲。遇夜益甚。脾熱堪道。喘嗽氣粗。右頰紅冒。手拍眉目。肺熱宜悼。足不喜覆。頰赤聲噪。骨酥如虫。腎熱與較。更叅虛實。理無或拗。熱必發。煩熱必發。躁症異原。同俱非易療。如何謂煩。火入肺竅。如何謂躁。火入腎筋。其火維何。心君獨耀。金燔水涸。病日以蹶。噤煎不安心。經熱鬧。噤唾不定。心經風鉞。皆足生驚。急慢天鈞。發熱煩躁。往往齊到。尋源溯流。全憑性巧。對症立方。病根是埽。

五臟熱

錢乙曰面上左腮爲肝右腮爲肺額上爲心鼻爲脾頰爲腎赤
色者熱也隨症治之身熱不飲水者熱在外身熱飲水者熱
在內也小兒熱病六一散妙藥也寒水石散亦佳凡熱症
疎利後或和解後無虛症勿溫補熱必隨生也諸熱通用小兒
清心丸

李梈曰肝熱手尋衣領亂捻物瀉青丸壯熱飲水喘悶瀉白散
心熱視其睡口中氣溫或合面睡及上竅咬牙導赤散脾熱曰
黃肚大怠惰嗜臥身熱飲水四肢不收瀉黃散肺熱手拍眉口
鼻面甘桔湯腎熱兩足不喜衣覆地黃丸

薛巳曰肝熱者左頰先赤便難筋急多怒多驚四肢困倦寅卯
時益甚瀉青丸柴胡飲子心熱者額上先赤心煩心痛掌中熱
而或壯熱飲水巳午時益甚導赤散瀉心湯脾熱者鼻上先

赤其熱在肌肉。遇夜益甚。瀉黃散。肺熱者。右頰先赤。日西熱甚。輕則瀉白散。重則地骨皮散。腎熱者。頰下先赤。兩足熱甚。骨酥。酥如虫蝕。熱盛不能起于牀。夜間益盛。滋腎丸。

熱有虛實表裡

譚殊聖曰。虛熱者。因病後發熱無時。一日三五次者。此客熱。乘虛而作。其必氣血未勻。四體羸弱。治宜調氣補虛。其熱自退。宜白朮散。或未退。人參犀角散。

薛已曰。虛則喜熱惡寒。乍涼乍溫。佛鬱驚惕。上盛下洩。屈體而臥。睡而露睛。面色青白。恍惚神緩。噓氣軟弱。手足指冷。宜惺惺散。實則仰體而臥。睡不露睛。面赤氣粗。口熱燥渴。二便難煩。啼暴叫。手足指熱。宜四順清涼飲。加柴胡。壯熱惡風寒。爲元氣不充。表之虛熱也。壯熱不惡風寒。爲外邪所客。表之實熱也。壯熱

欲飲湯爲津液短少。裡之虛熱也。壯熱飲水爲內火燔爍。裡之實熱也。熱而二便調和。風邪蘊結于裡而發者。此表熱。惺惺散加麻黃汗之。熱而頰赤作渴。睡眠不安。四肢驚掣者。此裡熱。四順清涼飲。

熱辨溫壯煩

王肯堂曰。溫熱與壯熱相類而異。一向熱不止。由氣血壅實。五臟生熱。蒸熨于內。則眠臥不安。精神恍惚。熏發于外。則表裡俱熱。煩躁喘粗。甚則發驚癇也。輕則火府丹。金蓮飲子。重則梔子仁湯。若但溫溫然不甚盛。是溫熱也。大便臭而黃者。此腹內有伏熱也。四順飲子。糞白而酸臭。則挾宿食不消也。紫霜丸。輕者少服。重者多服。節哺乳。當取微利。至五心熱盛。煩躁不安。手足

葉石膏湯

熱分驚積

聞孝忠曰驚熱者偏身發熱或熱而不甚面青自汗睡夢虛驚
顛叫恍惚有因驚而生熱者有因熱而生驚者錢氏導赤散涼
驚丸皆其治也

曾氏曰積熱者腹中有癖而發熱也必眼胞浮腫面黃足冷發
熱從頭至肚愈甚或聞飲食之氣惡心及腸疼嘔吐治同傷積
熱有晝夜久暫之分

萬全曰按鄭氏全嬰方所云血熱者巳午發熱夜則涼指小兒
血盛實而言也蓋謂巳午者心火用事之時也心主血血氣行
至巳午則陽氣盛陽氣與正氣相搏故至期而發熱非其時者
非血熱也宜龍胆丸地黃膏之類海藏云夜熱屬陰四順飲之

類此言血熱在夜也。脈經云小兒有宿食。嘗暮發熱。明日復止。此言宿食夜熱也。積熱者久熱也。疳熱亦久。但兼面黃吃炭土。鼻下爛也。三因云小兒積熱者。表裡俱熱。徧身皆熱。頰赤口乾。小便赤。大便焦黃。先以四順飲利動臟腑。則熱去。既去復熱者。內熱已解。而表熱未解也。當用惺惺散。表熱乃去。表熱去後。又發熱者。此表裡俱虛。氣不歸元。而陽浮于外。所以發熱。非熱極也。只用六神散入粳米煎。和其胃氣。則陽收歸內。身體便涼。重者用銀白散。暫時發熱者。或由感冒而得也。

寒熱並作

薛已曰。陽虛則外寒。陰虛則內熱。陽盛則外熱。陰盛則內寒。寒熱往來。此乃陰陽相勝也。夫陰氣并于陰。則發寒。陽氣并于陽。則發熱。寸口脈微為陽不足。陰氣上入陽中。則寒。尺中脈微為陰不足。陽氣上入陰中。則熱。

陰不足陽氣下入陰中則發熱陽不足則先寒後熱陰不足則先熱後寒陰陽不歸其分則寒熱交爭也又上盛則發熱下盛則發寒陽勝則乍熱陰勝則乍寒陰陽相勝虛實不調故邪氣更作而寒熱往來或乍寒乍熱也少陽胆者肝之腑界于表裡之間陰陽之氣易乘故寒熱多主肝胆經症以小柴胡湯加減治之若祇見寒熱起居如常久而不愈及大病後元氣未復悉屬陰虛生熱陽虛生寒宜八珍湯甚者十全大補湯有宿食爲病亦令寒熱保和丸食積旣消而寒熱尚作者肝邪乘脾所勝侮所不勝也異功散加柴胡山梔

張煥曰寒熱症有頭疼汗出者有嘔吐不食者有憎寒而反飲

水者有壯熱而反飲湯者有筋骨疼痛者有因食積寒而腹中

痛熱而腹中鳴者鰲按此寒熱並作乃自爲一症故有一日兩

三度發或五六度發者非如瘧之休止有時

也。其瘧症寒熱。另詳瘧門。

骨蒸熱潮熱餘熱

曾氏曰：骨蒸熱者，身體虛羸，遇晚而發，有熱無寒，醒時渴汗方止。此乃瘧病之餘毒，傳作骨蒸。或腹內有瘕塊，有時微痛，用化

瘕丸。先治脾虛宿滯，次以柴胡飲為治。仍忌鷄酒羊麵毒物。按：鰲

湯氏治骨蒸熱，用生犀散、地骨皮散、七寶散、金蓮飲子。殊為妥協，存忝。

有小兒熱症，用表裡藥

後其熱俱退。既乃復熱者，為餘熱也。推其原，乃表裡俱虛，而陽

浮于外，陰伏于內，所以又發熱。宜用溫平藥，和其裡，則體熱自

除。錢氏白朮散去木香，加扁豆水煎。及黃芪六一湯安神散，自

然平復。

龔信曰：熱有作止，每日應時而發，謂之潮熱。如潮信之不失其

補母而瀉本臟則愈。且如日中發潮熱者，心虛也。脈爲心之母，則宜先補肝。肝實而後瀉心，心得母氣則內平而潮熱愈也。醫見潮熱妄謂其實，乃以硝黃諸冷藥下之，下既多矣，不能禁約而津液內竭，縱取一時之瘥，鮮不成疴病而身瘦也。曾氏法遇潮熱症，先以百解散發表，次以當歸散治之。脈實者以大柴胡下之，虛浮數者以百解散微汗之。若潮熱而嘔者，小柴胡和解之。

王肯堂曰：餘熱者謂寒邪未盡，傳經之遺熱也。仁齋曰：傷寒汗下後而熱又來，乃表裡俱虛，氣不歸元，陽浮于外，不可再用涼藥。蓋熱去則寒起，古人戒之法，當和胃使陽氣收斂，其熱自止。宜參苓白朮散。

煩躁原由症治

薛已曰。仲景云。火入肺則煩。入腎則躁。夫心者。君火也。火旺則金燔。水虧。而火獨存。故肺腎合而爲躁也。活人云。但煩熱者。虛煩也。諸虛煩熱。與傷寒相似。但不惡寒。鼻不疼。故知非傷寒也。頭不疼。脈不緊。故知非裡寒也。不可發汗。攻下。當與竹葉湯。兼嘔橘皮湯。又心虛則先煩而後渴。翁翁發熱。其脈浮緊。而大是也。蓋煩者。心中煩擾。爲內熱。故屬陽躁者。肢體躁動。或躁身爲外熱。故屬陰。外熱者。無根之火也。是以爲虛。在小兒當辨其噤煎不安。是煩噤。噤不定。是躁噤。煎者。心經有熱。精神恍惚。煩滿生驚。噤者。心經有風。煩躁驚搐也。熱甚者。黃連解毒湯。輕者。導赤散。風熱者。至寶丹。脈數而實。便閉者。神芎丸。此皆實熱之治法也。若煩而頭痛。短氣。口乾咽燥。不渴者。虛也。四君加芎歸。

頁不尋。辰。按。案。二。易。而。載。湯。目。內。亦。六。永。其。民。安。之。之。民。子。上。

虛發躁當歸補血湯。若躁而踝體欲入井中，脈沉細，以浮大按之如無者，此皆陰盛發躁，宜參附湯有回生之功也。

人將則與天心者君火也火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

火旺則火旺則火旺則火旺則火旺則

傷寒

沈金鰲輯

漢張仲景創論傷寒六經分治陰陽並觀傳變不一貴探其原表則易治裏豈易痊三陽爲表裏症常兼三陰爲裏表症亦繁病機叠出不一其端合併兩感欲辨難言汗吐下法不悞則安男婦大小大概皆然而小兒還須另看臟腑嬌嫩六氣未完外邪易犯乳食多愆一旦病至身熱如煎頭疼骨痛合眼赤顴或汗無汗發渴咽乾種種形症病則相牽謂爲傷寒寧曰否焉然而幼稚雜病多般驚疳痰食痘疹煩冤總皆發熱躁擾相干設若悞認時日遷延如大人法治之必偏百十三方立斃下咽如是死者良屬可憐如是死者醫罪曷寬審音察色詳辨爲先內傷外感務究其根脉或罔據三關細研毋俾病勢變幻纏綿再叅疫癘夏熱春溫中風中濕暑暘彌漫認病毋錯方治求全庶幾是兒壽保彭篋

傷寒原由症治

張元素曰。凡小兒傷寒表症。有惡風惡寒者。當發表。如氣盛能食。不大便。無表症者。可攻裏。春主溫。屬木。身溫當發汗。夏主長。屬火。身熱而煩躁。合大發散。長夏主化。屬土。四季月同。當調其飲食。秋主收。屬金。身涼內溫。合微下。冬主藏。屬水。身熱而惡寒。是熱在外而寒在內。身涼而惡熱。是熱在內而寒在外。熱在內者。調胃承氣湯。寒在內者。調中湯丸。凡小兒傷寒。宜依四時陰陽升降順逆。剛柔而施治。氣升浮則發之。收藏則下之。有汗發熱惡風。脈浮緩者。風傷衛。桂枝湯。無汗發熱惡寒。不當風而自憎寒。脈浮緊者。寒傷榮。麻黃湯。有汗發熱惡風。脈浮緊。無汗發熱惡寒。脈浮緩。謂之榮衛俱傷。桂枝麻黃合半湯。無汗發熱。不惡風寒。脈沉洪者。可下之。更詳其厥與不厥。量寒熱淺深。而

治之有汗。四肢厥。脈沉微者。名陰厥。四逆湯。無汗。四肢厥。脈沉微者。名陽厥。大承氣湯。如四肢不厥。身熱內外皆陽。不動三焦。宜涼藥。三五服下之。黃芩甘草湯。黃芩白朮湯。黃芩蒼朮湯。黃芩梔子湯。連喬飲子。小柴胡湯。八正散。涼膈散。白虎湯。五黃散。此上中下三焦藥。宜選用。中暑脈虛背惡寒。自汗而渴者。白虎湯。身涼脈緊熱在內者。急下之。口燥咽乾不大便是也。無汗身大熱者可發汗。升麻湯。大青膏。天麻膏。有汗身大熱者。惺惺散。桂枝湯。解肌湯。小柴胡湯。白朮防風湯。可選用。發汗者量四時。暄暑燥濕風寒。各宜春涼夏寒秋溫冬熱而發之。如身表無大熱而小便不利。是有濕熱結膀胱。仍用勝濕藥。白朮白茯苓之類。以利小便。則其熱自退。傷寒咳嗽吐清水。硬氣長出氣。是肺不足也。阿膠散。面白如枯骨者。死不治。身熱咳嗽吐

痰者。褊銀丸。若有表症。惡風寒而嗽者。惺惺散。加減鼠粘子湯。
身大熱。吐逆不止者。茯苓半夏湯。大吐者。當下之。消積丸。潮熱
有時。胸滿短氣。嘔吐者。桃奴丸。

張雲岐曰。小兒有寒邪。及瘟氣。時疫瘡疹。身疼頭痛。壯熱多眠
不語。潮熱煩渴。痰實咳嗽。人參羌活湯。時氣頭昏體熱。七寶散。

小兒同乳母服。大人亦可用。小兒表傷寒。則皮膚閉而爲熱。

盛。卽生風。欲爲驚搐。血氣未實。不能勝邪。故發搐也。大小便依

度。口中氣熱。當發之。宜大青膏。肺盛復有風冷。則胸滿短氣。氣

急喘嗽。上氣。當先散肺。瀉白散。後發散。大青膏。若止傷寒。則不

胸滿。設令小兒卒暴身壯熱。惡寒四肢冷。或耳尻冷。鼻氣熱。

爲斑疹也。與傷寒表症相似。此胎氣始發。自內之外。若與傷寒

表症同治者。誤也。當作斑疹治之。

王好古曰小兒傷寒時氣風熱痰壅咳嗽及氣不和者四君子湯加細辛瓜蒌桔梗薄荷生姜或加防風川芎內有寒或遇天寒欲發散者則去瓜蒌虛汗夜啼加麥冬。

楊士瀛曰小兒頭額痛身體發熱大便黃赤腹中有熱四順散連喬飲三黃丸身體潮熱頭目昏痛心神煩躁小便赤大便秘此熱劇也調胃承氣湯頭額身體溫熱大便白而酸臭者胃中有食積也雙聖丸。

虞搏曰小兒傷風貪睡口中氣熱呵欠煩悶當發散大青膏表症也尋常風壅發熱鼻涕痰嗽煩渴惺惺散有風熱裏熱口中氣熱大小便秘赤飲水不止有下症者大黃丸大熱飲水不止而善食者可微下如清便自調不可下也恐外熱逐于內而變結胸危症。

張兼善曰。小兒傷風兼臟者。兼心則驚悸。兼肺則悶亂。喘息哽氣。長出氣咳嗽。兼腎則畏明。各隨補母臟。虛見故也。如傷風手足冷。脾臟怯也。當先和脾。益黃散。而後發散。大青膏。未瘥。調中丸。有下症。大黃丸。後服溫驚丸。傷風腹脹。亦脾臟虛也。當補肺。必不喘。後發散。仍補脾也。去脹。塌氣丸。發散。大青膏。傷風吐瀉。白朮散。夾驚傷寒。熱極生風。薄荷散。

龐安常曰。小兒傷寒自汗。當補虛。和陰陽。小建中湯。減桂加黃芪。人參地黃。

吳綬曰。小兒傷寒。六經治例皆同。但有胎熱驚熱。血熱客熱。寒熱潮熱。痰熱。食熱。變蒸熱。傷風熱。痘疹熱。一皆發作。狀以傷寒。要在明辨之耳。况肌體嫩弱。血氣未定。脈法不同。藥劑輕小之別。故略具節要于後。凡小兒病。詳察面色爲先。傷寒尤宜加。

意。凡食熱傷乳則吐。奶瓣不消。口中醋氣。傷食則心下滿。嘔氣作酸。惡食。右手氣口脈盛。手心熱。手背不熱。肚背先熱。以此別之。凡治小兒傷寒發熱。必以六君子湯爲主。或加神曲。麥芽。山查。砂仁。香附之類。內實者。加枳實。青皮。熱不解者。加柴胡。黃連。黃芩之類。如無熱。香砂保和丸。凡變蒸發熱。長氣血也。夫變者。氣上蒸者。體熱也。輕者發熱。虛驚耳冷。微汗。唇中有白泡如珠子是也。三日而愈。重者寒熱。脈亂。腹痛。啼叫。不食。凡乳食卽吐。五日後愈也。凡傷寒發熱。則貪睡。眼澁。呵欠。煩悶。鼻塞。噴嚏。或流清涕。口中氣熱。咳嗽聲重。或自汗。怕風。人參羌活散。其餘治例。宜同傷寒表症例也。要在詳辨而治之耳。凡傷寒則怕寒。拘急。發熱。翕翕然在表。晝夜不止。直待汗出方解。錢氏曰。男子則面黃體重。女子則面赤喘急。憎寒。口中氣熱。

呵欠煩悶項急也。大抵傷寒則手背熱，手心不熱，左手入迎脈緊盛也。其餘六經治法同大人傷寒，但藥宜輕小耳。亦有夾驚夾食傷寒，要在詳審。凡痘疹發熱，錢氏曰：腮赤多躁，噴嚏眼濇，呵欠煩悶，時發驚悸，身重發熱，耳尖鼻尖手足梢冷，乍涼乍熱，睡中驚惕，起臥不安，乃其候也。切不可認作傷寒發汗，蓋覆取汗，則大悞。須仔細辨之。鰲按：小兒傷寒，雖云六經治例，與大人無異，然畢竟有別。小兒多一切雜症，如前輩所云，固當一一分辨施治，即真屬傷寒而小兒必夾驚夾食之症為多，故即用六經分治之劑，其中必兼去驚消食之品，方可奏功。至小兒傷寒形症亦屬有定，如頭痛體重鼻塞流涕，喘息，頰赤眼濇，或眼赤黃，口乾咳嗽，噴嚏，或口鼻出水，山根青色，身上寒毛起，或畏人，或惡寒，兩手脈必洪數，凡此等症皆屬傷寒之候，必明辨之，方不與一切之症相混，而可以傷寒之治為治，而即此等症亦不必悉具，隨見數症便是。如吳氏詳列諸症，本與傷寒無涉，今特錄之者，所以別于傷寒，欲醫者知一切諸症之各有形症，便當各隨症治，而可不混于傷寒也。

麻疹

沈金鰲輯

麻疹浮小而有頭粒。非如發斑成片一色。方其初起。必先發熱。都似傷寒。而有分別。鼻流清涕。咳嗽噎洩。眼胞微腫。淚汪盈睫。或嘔或利。紅及腮頰。此麻疹候。汗下不必按。此諸症。乃爲肺疾。亦屬天行傳染。而得身熱之後。其出最捷。一擁而來。六時漸沒。其沒貴遲。期兩三日。熱清毒退。乃爲上吉。亦有出遲。三日始滅。亦有沒早。頃刻無迹。皆由熱毒膚厚。而合恐生他變。至不可測。及其既退。調護宜密。切須忌口。風寒莫及。疹後變生。最易咳逆。毒流肺竅。氣喘吸吸。或成癆瘵。骨蒸羸怯。毒淫脾腎。漸至骨立。或頻瀉利。青黃夾雜。毒流腸胃。氣虛難接。或口生瘡。牙齦爛黑。毒深入肝。奄奄命絕。此四大症。疹後易涉。慎勿輕視。致令危急。按症尋求治之以法。

麻疹原由症治

錢乙曰。麻疹形症亦同。有如發風癩疔瘡擁起。如雲頭色赤成斑。隨見隨沒者。有如粟米頭梳。三番俱見而不沒。至三日後方收。漸沒者。然皆謂麻疹。其于欲出未出之際。當用發表藥發之。則易出易愈也。有發熱至十餘日始見者。大抵主在發散肺經之熱毒。始事也。調理補養病後之元氣。終事也。其或兼風兼痰兼食。隨宜加對症藥。

萬全曰。疹小而碎。少陰心火也。心肺位乎上。心火旺則肺受之。治疹專以肺為主。觀咳嗽者。火炎則肺葉焦舉也。鼻流清涕者。鼻爲肺竅。以火爍金而液自流也。目中淚出者。肺熱則移于肝。肝之竅在目也。或手掐眉目唇鼻及面者。肺熱症也。疹子只怕不能得出。若出盡則毒便解。故治疹者。發熱時當察時令寒。

道以藥發之。如時大寒。以桂枝葛根湯發之。大熱。以十麻葛根

湯合人參白虎湯發之不寒不熱以荆防敗毒散發之。如兼疫癘時行之氣則以人參敗毒散發之。

聞人槻曰麻疹初出全類傷寒發熱咳嗽鼻塞面腫涕唾稠粘全是肺經之症有未傳洩利者有一起卽兼洩利者肺與大腸相表裏表裏俱病也惟不可觸冒風寒及於正蒸熱時噉食能變輕爲重不可不慎。

朱震亨曰斑駁疹毒之病是肺胃熱毒熏發于皮膚狀如蚊蚤所咬也。

李挺曰疹者如粟米微紅隱隱皮膚不出作痒全無痛處麻子最小隱隱如麻子頂平軟不礙指卽有清水痘多挾疹同出麻亦多挾疹同出故曰痘疹麻疹。麻疹以升麻葛根湯加葱白紫蘇乃麻疹初起之神方或蘇葛湯亦佳或以加味敗毒散表

之汗後身涼紅痕自滅。麻不出而喘者死。變成黑斑者死。麻疹後餘毒內攻循衣摸床。詁語神昏者死。

史演山曰疹喜清涼痘喜溫煖人皆知之然疹子初出亦須和

煖則易出所以發苗之初只要發出得盡則其毒便解。大抵

疹欲出已出之際雖寒要法勿用桂枝雖虛勿用參朮雖嘔而有痰

勿用半夏南星。

王肯堂曰發熱六七日知是疹子却不見出此皮膚堅厚腠理

閉密又或爲風寒襲之會有吐利乃伏也急用托裏發表之劑

麻黃湯調柏墨散發之外用胡荽酒麻蘸遍身刮之。疹子發

熱或自汗要旨或鼻衄者不須止之亦發散之義。疹子發熱吐利

乃火邪內逼純是熱症不可作寒論上焦多吐黃芩湯加茅根

蘆根枇杷葉下焦多利黃芩湯送香蓮丸中焦吐利俱多黃芩

湯多加茅根蘆根調六一散滯下加味黃芩湯調六一散 疹
出之時咽喉腫痛乃毒火上熏勿作喉痺治甘桔湯加元參牛
蒡連喬或射干鼠粘子湯 疹色喜通紅若淡白者心血不足
養血化斑湯色太紅或紫殷者血熱也或出太暴者並宜大青
湯黑者死 疹既出熱盛不減此毒壅遏大青湯解其表便澀
者黃連解毒湯合白虎湯解其裏大便不通四順清涼飲疹後
熱不除忽發搐不可與急驚同論用導赤散加人參麥冬送安
神丸 大熱未退不可與食與傷寒同

而女音

龔信曰當以葱白湯飲之其麻自出如渴只宜葱白湯以滋其
渴使毛竅中常微潤可也過三日不沒者內有實熱犀角地黃
湯解之

翁仲仁曰麻疹與痘瘡始似終殊原同症異痘瘡發于五臟麻

疹出于六腑。然麻疹一症。先動陽分。而後歸于陰經。故標屬陰。

而本屬陽。其熱也。氣與血分相搏。故血多虛耗。其治也。先發散。

行氣。而後滋陰。補血。凡動氣燥悍之藥。皆不可下也。鰲按翁氏此說已舉

麻疹之原由症治。包括詳盡名論也。凡看麻疹之法。多于耳後頂上腰眼先見。

其項大而不長。其形小而勻淨。既出色紫紅。乾燥暗晦。乃火盛。

毒熾。宜六一散解之。四物湯換生地。加柴芩。翹葛。牛蒡。紅花等。

滋陰涼血。而熱似除。所謂養陰退陽之義也。如疹出見風。早沒。

不清爽者。宜消毒飲。加發散之藥。雖不復出。亦尋愈矣。

葉桂曰。疹屬陽腑經邪。初起必從表治。症見頭痛喘咳。氣粗嘔。

逆。一二日即發者。輕。三五日者。重。陽病七日外。隱伏不透。邪反。

內攻。喘不止。必腹痛脹秘。悶危矣。治宜苦辛清熱。涼膈。去硝黃。

手太陰肺疹。但有黠粒。無片片者。用辛散解肌。冬月無汗。壯熱喘急。用麻杏。如華蓋散。三拗湯。夏月無汗。用辛涼解肌。葛根前胡。薄荷。防風。香茹。牛蒡。枳殼。桔梗。木通之屬。古人以表邪口渴。卽加葛根。以其升胃津。熱甚煩渴。用石膏。辛涼解肌。無汗忌用。連喬。辛涼。翹。出衆草。能升能清。最利。幼科治小兒六經諸熱。疹宜通泄。泄瀉爲順。下痢五色者。亦無妨。惟二便不利。最多凶症。治法大忌止瀉。疹本六氣客邪。風寒暑濕。必從火化。痧旣外發。世人皆云邪透。孰謂出沒之際。升必有降。勝必有復。常有痧外發。身熱不除。致咽啞。齩腐。喘急。腹脹。下痢不食。煩躁昏沉。竟以告斃者。皆屬裏症。不清致變。須分三焦受邪。孰多。或兼別病。累痺。須細體認。上焦藥用辛涼。中焦苦辛寒。下焦鹹寒。春令發痧。從風溫。夏季從暑風。暑必兼濕。秋令從熱燥。燥

氣冬月從風寒

痧疔濕盛熱蒸口舌咽喉疔蝕若不速治有

穿腮破頰咽閉喘促告斃矣治之宜早外治另用端方若湯藥

方法必輕淡能解上病或清散亦可

痧疔乃熱毒內陷與傷

寒協熱邪盡則疔止同法忌升提忌補瀉輕則分利宣通重則

宜用苦寒解毒

按方書名麻疹者北人單謂之疹吳人謂之

疹雖由肺胃間毒畢竟是肺經所發之疾故方書言手太陰肺

疹但有點粒無片疔者今時所患皆是點粒分明者也至方書

言足陽明胃疹如雲佈密恐是斑毒故一片如雲密佈且斑毒

之發亦由陽明鬱熱毒蒸所致痧不發于胃而發于肺也即

使痧毒內陷或亦入胃脾入肝入腎各有變症然此是痧發

不透後其毒轉注之臟腑經絡非初發之經也方書謂胃者

古人每斑疹一字連用其謂胃疹當即是斑其謂肺疹乃是痧

子即麻疹也葉氏以痧宜通洩洩瀉為順云云夫痧固宜通

泄然大洩痢又恐毒之注者未盡而毒之外發者復因下洩

而多阻滯以致毒陷益深瀉病愈不止正氣遂日益虛此際正

難措手然葉氏忌升提忌補瀉二語又為痧疔金科玉律切不可犯則于此而斟酌求治惟以解毒為主兼散腸間鬱積而肺

大陽表裏腸間之鬱積清肺經之

瘧疾 寒熱往來附

沈金鰲輯

夏傷于暑秋必痲瘧。又云瘧病必由風着內經之言。宜爲細度。夏月盛暑腠理開發汗出。當風浴後。磅礪衛氣不守。邪氣內薄。舍于膜原。應時而劇。暑日得風。根因是托。然而小兒多由食搏脾弱胃衰。乳食停積。諸邪悉附。與正相角。壅遏陰陽。二氣交錯。陰盛陽虛。先寒而慄。陽勝陰虛。先熱如烙。邪與衛併。故日揮霍。邪深入裏。故間日作瘧。必有痰滯胸膈。瘧必有濕痠疼手脚。痺牝溫寒。鬼瘧名各爲症。不同而可約。暑冷起毫毛。伸欠蕭索。戰慄鼓頷。頭痛如鑿。及其熱時。內外火鑠。渴欲引飲。身疼筋縛。或先寒侵。或先熱灼。陰陽偏勝。如酬如酢。故以往來寒熱。如_乃溪有言。最爲精確。無汗發汗散邪爲主。有汗止汗固正。宜速務期邪盡。陰陽和協。無奈世醫不知用藥。小柴胡湯以爲定法。不知前賢再四叮囑。早服柴

公和雅言 癩瘡
胡淹纏難却邪由外散正無內削用和陰陽纔可下噓莫慢輕踈
切宜斟酌久瘡不愈瘡母內托胸脇之間可按可模治應消散毋
俾正弱

瘡疾原由症治

曾氏曰內經瘡論云夏傷于暑秋必痲瘡謂腠理開而汗出遇
風或得于澡浴水氣舍于皮膚間因衛氣不守邪氣并居其疾
始作伸欠寒慄腰背俱痛骨節煩疼寒生則內外皆熱頭疼而
渴乃陰陽二氣交爭虛實更作而然陰氣獨盛則陽虛故先寒
戰慄腰背頭項骨節皆痛陽氣獨勝則陰虛故先熱發時不嗜
食喜嘔頭疼腰痛小便不利陰盛陽虛則內外皆寒陽盛陰虛
則內外皆熱此外感六淫或內傷七情蘊積痰飲病氣與衛氣

并苦故病日作衛氣盡行于陽夜行于陰得陽而外出得陰而

內薄五臟病氣深入不能與衛氣俱出則間日而作當衛氣
至病氣所在則發在陽則熱在陰則寒俟陰陽各衰衛氣與病
氣相離則病休陰陽相搏衛氣與病氣相集則復作各隨其衛
氣之所在與所中邪氣相合而然也先寒後熱者先傷寒而後
傷風名寒瘧先熱後寒者先傷風而後傷寒名溫瘧但熱不寒
者名癰瘧身重寒熱骨節痛腹脹滿自汗善嘔名濕瘧但寒不
熱者名牝瘧其病不一故治當隨其陰陽虛實汗吐下溫對症
施治以平爲期然必因正氣虛感受邪氣留而不去其病爲實
自表傳裏先汗後下古今不易故治瘧必須先表用百解散加
姜葱次小柴胡加桂枝姜棗以和解表裏之邪自然作效若表
裏實用當歸散五和湯烏犀丸下之勻氣散止補後以藿香飲
加草果良姜姜棗正胃氣去寒邪則自平復如表解後寒熱往

來以二仙飲截之。寒熱既除。用平胃散鹽湯空心調服。溫胃健脾。則外邪自清。此爲明論。有寒多熱少。經久不愈。致脾胃弱。飲食少。神色變。二姜丸及清脾湯爲治。

婁全善曰。治小兒瘧疾。多與大人同法。以出汗爲瘥。宜桂枝柴胡參苓輩。其病食病痰。以意消息之。小兒多由食積得之。必兼消藥爲先也。

葉桂曰。瘧因暑發。居多。方書雖有痰食寒熱瘴癘之互異。幼穉之瘧。都因脾胃受病。然氣怯神弱。初病驚癇。痲逆爲多。在夏秋之時。斷不可認爲驚癇。大方瘧症。須分十二經。與欬症相等。若幼醫庸俗。但以小柴胡去參。或香茹葛根之屬。不知柴胡動肝。陰葛根竭胃汁。致變屢矣。幼科純陽暑爲熱氣症。必熱多煩渴。邪自肺受者。桂枝白虎湯。二進必愈。其有冷食不運。言已太矣。

脾病見症。初用正氣。或用辛溫。如草果、生姜、半夏之屬。方書謂
草果治太陰。獨勝之寒。知母治陽明。獨勝之熱。瘧久色奪。唇白
汗多。餒弱。必用四獸飲。陰虛內熱。必用鼈甲、首烏、知母。便漸瘳
者。忌用。久瘳營傷寒勝。加桂、姜、擬。初中末瘳。門用藥。于左。如初
病暑風濕熱瘳藥。兼皖痞悶。用桔梗、枳殼、杏仁、厚朴。二味喘最宜 瓜
蔓皮、山梔、香豉。頭痛宜辛涼輕劑。連喬、薄荷、赤芍、羚羊角、蔓荊
子、滑石。此方淡參清上 重則用石膏。口渴用花粉。煩渴用竹葉石膏湯。
熱甚則用芩連。山梔。夏季身痛屬濕。羌防辛溫宜忌。宜用木防
已。垂沙。暑熱邪傷。初在氣分。日久不解。漸入血分。反渴不多飲。
唇舌絳赤。芩連膏如不應。必用血藥。諒佐清氣熱一味足矣。輕
則用丹皮。汗多忌 青蒿、犀角、竹葉心、元參、鮮生地、細生地、木通。亦能
發汗。淡竹葉。若熱久痞結。瀉心湯選用。又夏月熱久入血。最多畜

血一症。詰語昏狂。看法以小便清。長者大便必黑。爲是。桃仁承氣湯爲要藥。幼穉瘡久。面腫腹膨。洩瀉不欲食。或囊腫。或跖腫。必用東垣益氣以升陽。倘脾陽消憊。前方不應。用理中湯。或錢氏益黃散。得效。二三日。須投五苓散。一二日。再與異功參苓白朮散之類。必全好。徐忠可註金匱有云。幼兒未進穀食者。患瘡久不止。用冰糖濃湯。余試果驗。瘡多用烏梅。以酸泄木安土之意。用常山草果。乃切其太陰之藥。以常山極走。使二邪不相併之謂。用人參。生姜。曰露姜。飲一以固元。一以散邪。取通神明去穢惡之氣。總之久。瘡氣餒。凡壯胆氣。皆可止瘡。未必真有瘡鬼。又瘡邪既久。深入血分。或結瘡母。鼈甲煎丸。設用煎方。活血通絡可矣。

巢元方曰。風邪外客于皮膚。而痰飲內漬于臟腑。致令血氣不和。陰陽更相乘。尅陽勝則熱。陰勝則寒。陰陽之氣爲邪所乘。邪正相干。陰陽交爭。時發時止。則寒熱更相往來也。

吳綬曰。凡寒熱往來。是無定期者。其有定期。瘧也。全生云。若其人翕翕如熱。淅淅如寒。無有時度。支節如解。手足酸疼。頭目昏暈。此由營衛虛弱。外爲風邪相乘。搏于陽則發熱。搏于陰則發寒。久不治。成癆。宜荆芥散。又曰。如苦寒熱如瘧。不以時度。腸滿膨脹。起則頭暈。大便不通。或時腹痛。胸膈痞悶。此由宿穀停留不化。結于腸間。氣道不舒。陰陽交亂。宜備急丸。若止見寒熱。

起居如常。久而不愈。乃大病後元氣未復。悉屬陰虛生熱。陽虛生寒。宜八珍湯。食積爲病。亦令寒熱。保和丸消之。兼嘔吐洩瀉。六君子湯。厥冷飲熱。人參理中丸。作渴不止。七味白朮散。食積。

消而寒熱尚作者。肝邪乘脾也。異功散加梔柴。然此皆非瘧症也。切不可混。

龐安常曰。小兒食積。寒熱如瘧。渴瀉氣急。要合地臥。此候當先取下積。只用平胃散。次常服進食丸。

沈氏尊生書卷三

幼科釋謎

黃疸

沈金鑿

脾土色黃。病則成疸。其病緣何。先因虛損。復感濕熱。風寒外襲。鬱腠理。浸淫肢腕。內熱蒸蒸。外熏色變。此其大凡。脈必濡緩。傷寒無汗。癰熱不散。身必發黃。水瀦腹滿。暑邪挾濕。經絡俱痺。冷膚淡髓。臟氣莫展。黃如橘色。筋骨痿軟。或由疴瀉。肌肉消剝。肚大筋青。皮黃髮捲。胎疸之疾。得于初產。生下卽黃。遍身梳染。原雖不同。陰陽必辨。陽黃體熱。二便鞭短。脾與心搏。胸膈必滿。先利小便。下法莫遠。陰黃肢冷。清便滋泣。大便清黃。腹痛而喘。面目爪齒黃色。閤慘脾虛。失制腎水。脹衍約此二端。疸病斯顯。再詳兼症。身疼體懶。強直其體。枯澁其眼。溺如屋漏。浮腫若繭。或渴或嘔。或寒或煖。按

加梔子湯

曾氏曰黃病不可一概論標本不同症治亦異乃脾胃氣虛感受濕熱鬱于腠理淫于皮膚蘊積成黃熏發于外故有是症或脾胃虛弱內因癥癖攻之而成然疳瀉亦主皮黃肚大髮直筋青肌肉消瘦外無色澤身必發黃治法感濕熱者以咬咀五苓散加麻黃姜汗之卽愈或茵陳蒿湯調下五苓散亦可若得于疳癖者形如黃土宜醒脾或化癖丸

羅謙甫曰子治一小兒季夏身體蒸熱胸膈煩滿皮膚如橘黃眼白亦黃筋骨瘦弱不能行立此由熱加以濕而蒸搏于經絡入于骨髓使臟氣不生故脾遂乘心濕熱相合而成以疾也蓋心火實則身體蒸熱胸膈煩滿脾濕勝則皮膚如橘色有餘之氣必乘已所勝而侮所不勝是腎肝受邪而筋骨痿弱不能行

立內經言脾熱者色黃而肉蠕動。又言濕熱成痿是也。所謂子能令母實。實則瀉其子也。蓋脾土退其本位。腎水得復。心火自平矣。加減瀉黃散。

疸分陰陽

張元素曰。陽黃者。大小便赤。清身熱。是脾土與心火相搏。爲陽病。法當先利小便。後下大便。陰黃者。清便自調。面目及身黃。四肢冷。是脾虛不能制腎水。宜益黃散。小使君子丸。

少陰腎水太陰肺金金本生水水融兩陰腎邪相傳膀胱是侵
于脾土反被水沉脾虛失制隨水所淫脾既受尅不能生心水激
心火與肺相臨肺又受害化原失憑以致水溢腎邪縱橫脾易受
濕水乃與并脾主四肢流走駸駸滲于脈絡皮膚是尋血亦化水
停積日深乃作水腫腹飽筋青手足面目悉屬水停或氣喘逆或
口呻吟或發煩渴或寒熱乘或小便秘溺出如針胸滿脇脹減食
失音背平臍凸命乃將傾須潔淨府亦開鬼門去苑陳莖內經是
箴當須識此急早治懲根由症狀仔細詳明嗟嗟水腫病豈尋恒
時俗謬妄河白是稱遍攷方書古無此名

水腫原由症治

曾氏曰原腫病之由標本之疾腎主元氣天一之水生焉肺主

冲化地四之金屬焉。腎爲本而肺爲標。皆至陰以積水。其爲病也。腎者胃之關鍵。關鍵不利。則樞機不轉。水乃不行。滲于脉絡。皮膚而爲浮腫。當推究內外所因爲治。兒大者。憑脉以明虛實。古方有十種論症。短氣不得臥爲心水。兩脇緊痛爲肝水。大便秘澀爲肺水。四肢苦重爲脾水。腰痛足冷爲腎水。口苦咽乾爲胆水。乍虛乍實爲大腸水。腹急肢瘦爲膀胱水。小便閉澀爲胃水。少腹急滿爲小腸水。然脉浮爲風爲虛。沉伏爲水病。沉則脉絡虛。伏則小便難。卽爲正水。脾脉虛大多作脾腫。因循不治。乃成水腫。蓋脾屬土。喜燥而惡濕。常感濕氣。濕又喜傷脾。血化爲水。上敗不能制水。則停畜不行。留滯皮膚。故作浮腫。初得病時。見眼胞早晨浮突。午後稍消。急以羌活散疏解。次醒脾散及間。

冬治之頗易。惟春不然。蓋四時之水無如春水。泛溢兼肝木旺而脾土受尅。不能受水。所以難療。須徐徐調理取效。若脾熱而困入投燥熱藥。雖不能生土。亦可勝水。奈殺之太過。土不敵火。則熱愈盛而不食。發熱煩渴。又進燥劑。由此面目轉浮。致脾敗。手足背腫。臍凸。皆脾之外候。有未經發表。遞用下藥。一瀉腫消。乃曰瀉之力。不知脾愈瀉而愈虛。不旬月其腫如初。此世人但知瀉腫爲最。不求十補而一瀉之論。法當隨四時用藥解表。通利小便。春以七寶丹加麻黃桂枝赤苓姜蔥。夏以五苓散加麻黃苡仁車前子姜蔥。秋以清肺飲加羌活細辛商陸姜蔥。冬以冲和飲加白朮生川烏赤小豆姜蔥。次投滋潤救脾導水湯。劑滲洩之。乃爲良法。更以香陸胃苓丸頓服。自安。有初中便覺痰嗽氣喘。小水不通。正屬肺腎所主。先服解表散。次投三白。

散。凡得此病。非一朝夕之故。不可求速效。以致虛脫。如愈後。再感外風。滿面虛浮。用排風散和解。仍服救脾湯劑。免致反覆。劉氏曰。治腫非易。補養尤難。忌食物切須詳審。有久不消者。下溶川丸卽效。

史演山曰。腫脹二症。此由虛中有積。久患失治。日漸傳變。症候多端。隨輕重。察盛衰。審表裏。以主治。先固其本。後治其標。斯無患矣。受濕腫。食毒氣腫。傷寒虛氣入腹腫。瀉痢虛氣入腹腫。此四種所患病不相同。皆由虛得之。受濕。謂脾胃受濕冷。久不尅化。氣浮。四肢頭面皆腫。食毒氣腫。由脾胃傷冷積毒氣停胃脘。致氣入腹。蠱脹腫急。傷寒由下之太早。乘虛入腹作腫。痢久。脾氣亦虛。是以致腫。以上宜平調胃氣。補臟充實。方

種。先服四味理中湯。減半。乾姜加白朮。桑皮。葛根。虛重。加

作喘加淡豉。瀉痢虛脹宜正氣調胃。胃氣既壯。救生丹利之。腫
卽退。再用觀音散調補臟腑。卽平復矣。

王履曰。氣虛腫亦名氣蠱。血虛腫亦名血蠱。小兒所患腫脹一
門。最爲要急。前人少有究竟。然腫脹之作。皆由榮衛不順。臟腑
怯弱。壅滯三焦。流注百脉。表裏俱虛。邪正相亂。以致四肢浮盛。
肚腹膨滿。多由食毒得之。飲食得之。癢傷得之。饑飽得之。積久
不化。故成斯病。病由虛得。或妄亂通下。因虛致虛。根不得去。疾
加益甚。是謂壞症危症。先投榮衛飲子。次服分氣飲子。以散滯。
斯病去矣。

葉桂曰。夏季濕熱鬱蒸。脾胃氣弱。水穀之氣不運。濕着內蘊。爲
熱。漸至浮腫腹脹。小水不利。治之非法。水濕久積。逆行犯肺。必
生咳嗽喘促。甚則坐不得臥。俯不能仰。危期速矣。大凡喘必生

脹。脹必生喘。方書以先喘後脹者治在肺。先脹後喘者治在脾。亦定論也。金匱有風水皮水石水正水黃汗。以分表裏之治。河間有三焦分消。子和有磨積逐水。皆有奧義。學者不可不潛心體認。難以概述。閱近代世俗論水濕喘脹之症。以內經開鬼門取汗爲表治。分利小便潔淨府爲裏治。經旨病能篇謂諸濕腫滿皆屬于脾。以健脾燥濕爲穩治。治之不效。技窮束手矣。不知凡病皆本乎陰陽。通表利小便。乃宣經氣利腑氣。是陽病治法。暖水臟溫脾腎補後方以駢水。是陰病治法。治肺以輕開上治。脾必佐溫通。若陰陽表裏乖違。臟真日漓。陰陽不運。亦必作脹。治以通陽。乃可奏績。如局方禹餘糧丸。甚至三焦交阻。必用分消。腸胃窒塞。必用下奪。然不得與傷寒實熱同例。擅投硝黃枳

朴。憂動陰血。若大陰脾臟軟。暴阻氣。溫之補之。不應。次用下去。

少少甘遂爲丸可也。其治實症選用方法備採葶藶大棗湯。牡蠣澤瀉散。古遂半夏湯。子和桂苓湯。中滿分消飲。五子五皮湯。茯苓防已湯。小青龍湯。木防已湯。瀉白散。五苓散。控涎丹。禹功丸。大順散。越婢湯。徐姓小兒單脹數月。服肥兒丸萬安丸磨積丹綠礬丸鷄朮藥俱不效。余謂氣分不效宜治血絡。所謂絡瘀則脹也。用歸鬚桃仁延胡山甲蟻螂蟻虫靈脂山查之類爲丸十日全愈。

腹痛腹脹

沈金鰲輯

腹痛腹脹病屬中宮臟氣相擊邪正交攻挾寒挾熱症見不同曰
 食口積壅滯于胸有虛有實其故難窮二病之因各以類從先詳
 腹痛勢若攻衝脾虛氣冷胃虛嘔忪虛熱面黃實熱面紅食積便
 臭蠱積沫融肝木乘脾兩脇恫恫寒水侮土瀉利重重脾氣下陷
 重墜如鐘脾來尅腎少腹如春盤腸內吊腰曲猶弓啼乾唇黑由
 于肝風亦有鎖肚硬如石碯撮口面青初生屯蒙此二症者患之
 貫凶以上種種務通其中次詳腹脹痞氣填裏悶亂喘滿下則控
 伺不喘虛痞悞下疲瘥土虛及肺金氣銷鎔目胞腮腫內及喉嚨
 或緣病後脉細朦朧或緣痰食膈滿肚壅叶平聲或緣熱結壯熱若
 烘或緣寒積肢冷涎汎丁奚哺露無辜病叢頭小腹大黃瘦其躬
 乃脹之重病氣日充審其根原母俾病隆為補為瀉當可病鬆莫

作等閒用拯幼童。

腹痛原由症治

錢乙曰。小兒積痛。食痛。虛痛。虫痛。大同小異。惟虫痛當口淡而沫自出。治之隨其症用藥。虫與癩相似。小兒本怯。故胃虛冷。則虫動而心痛。與癩畧相似。但目不斜。手不搖也。宜安虫散。又有胃受極寒。極熱。亦令虫病。或微痛。或不痛。遽然吐虫。法當安虫為主。若因治虫反傷胃氣。固不可。因寒而動者。理中湯加烏梅。川椒。因熱而動者。五苓散加烏梅。

魯氏曰。虫痛。小兒多有之。其症心腹痛。叫哭。倒身撲手。嘔吐清水。涎沫。面青黃。時作時止。口唇紫黑色者。是虵厥也。宜安虫散。安虫丸。

壳湯加青皮陳皮木香當歸爲妙。挾熱而痛必面赤壯熱四肢煩手足心熱四順清涼飲加青皮枳壳挾冷而痛者必面色或白或青手足冷七氣湯加桂調蘇合丸冷甚變症則面黯唇口俱黑爪甲皆青矣。若內吊痛則鈎藤散其餘則芍藥甘草湯皆要藥也。

盤腸內吊痛

婁全善曰曲腰乾哭無淚者爲盤腸內吊痛。面眇白不思食爲胃冷痛。面赤唇焦便黃爲熱痛。面黃白大便酸臭爲積痛。口痰而沫自出爲虫痛。然皆不如內吊之甚也。

吳綬曰小兒腹痛曲腰乾啼面青白唇黑肢冷大便色青不實名盤腸內吊痛。急煎葱湯淋洗其腹。揉葱白熨臍腹間。良久尿自出。其痛立止。續用乳香散。

鎖肚痛

曾氏曰。有鎖肚痛者。嬰兒一月後。忽乳不下咽。肚硬如石。赤如
珠。撮口而哭。面青唇黑。手足口氣俱冷。是也。始因斷臍帶不緊。
爲冷風所乘。症甚危急。以白芍藥湯烏梅散投之。久則難治。更
參攷臍風症。

腹脹原由症治

錢乙曰。腹脹由脾胃氣虛。攻作也。實者悶亂喘滿。可下之。用紫
霜丸。不嘔者。虛也。不可下。悞下則脾虛氣上附肺而行。肺與脾
子母皆虛。肺主目胞。脾主四肢。母氣虛甚。卽目胞腫
四肢黃色。宜塌氣丸漸消之。未愈。漸加丸數。不可以丁香木香
橘皮荳蔻大溫散藥治之。何以然。脾麗氣。夫出故雖腹脹而不
喘。可以溫散藥治之。使上下分消其氣。則愈。若氣已出。付市。

行卽脾胃內弱。每生虛氣入於四肢面目矣。小兒易爲虛實。脾虛則不受寒溫。服寒則生冷。服溫則生熱。當識此勿悞也。胃久虛熱。多生痘病。或引飲不止。脾虛不能勝腎。隨肺氣上行于四肢面目。腫若水狀。腎氣漫淫于肺。卽大喘也。宜場氣丸。病愈面未紅者。虛衰未復。改也。治小兒虛腹脹。先服場氣丸。不愈。腹中有食積結糞。小便黃。時微喘。脈伏而實。時飲水能食者。下之。蓋脾初虛而後有積。所治宜先補脾。然後下之。後又補脾。卽愈也。不可補肺。恐生虛喘。

張雲岐曰。小兒熱結于內。腹脹壯熱。大便赤黃。躁悶煩亂者。宜用瀉青丸。

腹脹有虛實

張元素曰。凡久病吐瀉後。虛則脈微細。若色淡黃。目胞腮虛腫。

手足冷。先塌氣丸。後異功散。和中丸。益黃散。四君之類。用諸溫藥。養其氣實。則脉洪實。不因吐瀉痢下。後腹脹而喘急悶亂。更有熱有痰。有食而腹脹者。白餅子。大黃丸。解毒丸。下之。兼須認二便。如都不通。先利小便。

李杲曰。大約寒脹多。熱脹少。皆主于脾。

龐安常曰。東垣治脹。不犯上下二焦。用素問中滿者瀉之于內之法。實者分氣消積。虛者升陽滋血。治者當師其意而活用之。不可排擊。宜中滿分消丸。消痞丸。丹腹脹方。升陽滋血湯。

痞結積癖

沈金鰲輯

痞義爲閉結則實哉始由痰飲熱蘊如煨尙留腹脇似盆似杯營衛氣塞不能往來非心下痞易于宣開故時脹滿按則哭哀飲食減少寒熱相催原其所由脾臟虛羸久必土敗變難預推當須養正勿但結摧然痞雖結未成硬疔積且致癖堅實難鎚積因乳哺節度多乖臆滯生冷停聚難裁風寒外襲濕熱中懷老痰堅結或係血脈皆能成積腹內爲災始同鷄卵逐漸如胎腹脹且痛足冷面灰亦由脾病虛實兼該實則宜攻虛則宜培未可概論未可狐猜漢東王氏論積最佳可治不治分辨無差虛中之積症更難諧因驚傷食吐瀉與偕其脾愈弱其病難排取轉不着積反隱埋驚痞之候最易根芩嬰兒乳積面色莓苔口瘡吐喎腹中塊輻皆由乳後偏臥不廻乳滯脇下結塊而墮疰癖一症更屬奇核蘊結在

腹成塊如梅時常叫痛骨瘦如柴左脇下痛疝氣為媒右脇下痛
癖氣相俛俗名龜癆左右脇下此亦脾病冷氣沉滯致成是疾寒
熱侵骸至于傷暑秋必病疝寒熱來往脾胃氣衰血膜包水瘧癰
如蛙古人成法可摩可指詳核方治慎保嬰孩中黃立更藥譜
痞結原由症治

薛已曰痞結既久飲食減少脾氣必虛久而不愈必先以固胃
氣為主使養正則積自除若欲直攻其結不惟不能善消抑亦
損其脾土脾土既虧必變症百出當詳參各類以治之

陳藏器曰痞者塞也熱氣蘊于胸膈之間留飲聚于腹脇之內
于是營衛不能流行臟腑不能宣通由脹滿而致痞結勢使然
耳此熱實之症也時或發為壯熱宜聖惠破結散此方治小兒
痞結雖服湯藥時暫得利而滯實不消心下堅脹按之即哭內

有伏熱併成宜利大便破結散氣

積癖原由症治

李仲南曰積症有傷乳傷食而身體熱者惟肚熱爲甚耳夜間有熱者傷積之明驗也

錢乙曰小兒病癖由乳食不消伏在腹中乍涼乍熱飲水不止或喘而嗽與潮食相類若不早治必成癆瘵寒熱飲水脇下有形硬痛法當用藥漸消漸磨之以其有癥癖故令兒不食脾胃虛而發熱故引飲也

曾氏曰嬰孩積症皆乳哺不節過餐生冷堅硬之物脾胃不能化積停中腕外爲風寒所襲或夜臥失蓋致頭疼面黃身熱眼胞微腫腹痛膨脹足冷肚熱喜睡神昏飲食不思或嘔或噦口噫酸氣大便醜臭此爲陳積所傷如覺一二日先用百傷飲

發表。次當歸散蕩動積滯。方下烏犀丸六聖丸。重與寬利。後用
勻氣散調補。

陳無擇曰。小兒五積。爲臟氣不行。畜積一處不動。故曰積。如伏
梁息賁奔豚痞氣肥氣是也。六聚。謂六腑之氣留聚也。腑屬陽。
陽氣流轉不停。故其聚不定。一處發而腹痛。積聚之候。皆面黃
瘦劣。噤嚙不生肌肉。髮立。或肌體浮腫。腹急多困。多爲水氣。
凡虛中有積者。因傷食而瀉。又吐。如此漸處。其病未差。故曰虛
積也。又虛中之積。有積而頻頻取轉。却取轉不着。致其積尚伏。
故亦曰虛中積。若驚積取下。則屎青。食積。屎成塊子。凡疳中虛
積者。因疳病轉瀉。虛而疳不退。故虛中爾所取下糞裏白色也。
龔信曰。癖塊者。僻于兩脇。痞結者。痞于中脘。皆乳哺失節。飲食
停滯。邪氣相搏而成也。

語積分辨

王肯堂曰。乳積者。其候但是吐下乳來。有酸臭氣。因啼叫未已。遽與乳吃。停滯不化。而得兼面青黃。發熱作渴。多睡口瘡。漸漸黃瘦。腹內結塊不散。茅先生用丁香散開胃後。用牛黃丸取下乳積。後用勻氣散。常服健脾散。卽愈。食積者。肚硬而熱。或瀉或嘔。因飲食過飽。飽後卽睡而得。茅先生用牛黃丸取積。後用勻氣散調理。常服萬靈丸。卽愈。氣積者。面色黃白。不進食。腹痛啼叫。利如蠡渤。此因營衛不和。日久而得。茅先生用萬靈丸。勻氣散醒脾散。相夾調理。驚積者。時時洩清水如米泔。是受傷而復有積。煩悶啾唧。常以生嗔。先解散。用百解散。後理積。烏犀丸。三稜散。醒脾散。寧驚化積。壯氣和胃。仍節冷乳。自愈。熱積者。大便不通。風毒瘡癩。喉閉。炸腮。咽中涎響。茅先生用奪命散。吐下熱。

涎。後用勻氣散醒脾散調理。常服鎮心丸天竺黃散愈。

積痛

錢乙曰。積痛。口中氣溫。面色黃白。目無睛光。或白睛多。及多眵。畏食。或大便酸臭者。當磨積而痛自除。宜下積丸。甚者白餅子下之。後和胃氣用白朮散。又有食積肚痛。有熱者。芍藥甘草湯加葛根。吐者。加生薑半夏。或加枳實亦效。其有積而潮熱寒熱。心腹脹滿疼痛者。良方妙香丸。

李杲曰。凡小兒失乳。以食餉之。未有食。腸不能尅化。致成食積。

腹脹而痛。利色無常。日久瘦弱。鰲按。有寒積腹痛者。由日漸受寒。兼吃冷物。涼飲寒邪結。脾

經。遂致作痛。始猶數日一發。繼則一二日發。或口日發。發則面青白。吐清水。喜人手按。或將物抵住。方得稍可。宜用棉子仁八兩炒令烟盡。加入枳壳炒烏藥炒各一兩。木香生研。

五錢。神曲糊丸。空心淡姜湯下。數日當下白物。漸愈。

積病有治有不治

王漢東曰。小兒積病。可醫者。九面上虛腫。是積。積者。脾之所係。脾主身之肌肉。故應于面。故知是脾積。其脾係土。土無正形。故早晚浮腫不定。多則早浮。其睡則脾不磨。上面作腫。若病後此症。則是虛中積。宜用補脾消積行氣等藥。又面合地臥。是積。何以合地。其受積在脾。是冷積。何以知之。其脾好土。故知在脾。其冷者屬陰。故知傷冷硬物得之。宜下熱藥耳。又腹脹。是積。其積在肺。何以知之。其肺主于氣。總受積。其氣便冷。腹脹滿。氣急。故知在肺。如腹脹。先宜調氣。後用轉。轉後更宜調氣。又小便如油。是積。其積在小腸。何以知之。積受于脾。脾當傳心。心不受觸。則入小腸。小腸是心之腑。故知在小腸。則積其水道。小便如米泔油相似也。又髮黃。是積。是積氣傷心。心主血脉。潤遍身毛髮。被積氣所干。則髮黃。故知是積傷心。宜下空心散。及取積藥。此人

必時復發熱也。又赤白痢是積。其積在肺。受傳大腸。及有外傷而得。何以知之。肺主金色。白。後赤。則是外邪。故知肺傳大腸。則爲赤痢也。宜取後調氣。又兩眼黃赤睛青。是積在肝。何以知之。肝主木。色青。却被氣所干。卽黃赤睛青者。眼屬肝。若受積。故令睛青。是肝受積。若傳胆。必口苦。不要吃物。宜涼藥退之。又遍身虛腫。是積。其積不在臟。只在腑。何以知之。爲其積。曾取後。被藥發動。卽不在臟。故出皮膚之間。爲腫也。只宜下取。虛中積藥。後補之。文多瀉白糞。是積。是受冷積。在脾。何以知之。脾主化。受冷積。在脾。冷滑而瀉白屎。故知在脾。宜先轉。後熱藥補之。以上皆可治者也。積病不可治者。六喘急是肺積。肺主氣。喘急則肺絕。當面白全無血色。故不可醫。又面黑是腎積。蓋面黑者。腎絕也。當不辨好惡。眼直無光。只一日而死。又吐熱氣。是榮積。其不

可醫者。是血絕也。血主于心。心不能管。故出熱氣不止耳。又五
脚心生瘡。是衛積。衛者氣也。胃氣不生。故手足生瘡。若衛絕。則
氣不四。只半日死也。又惡心吐乾嘔。是胃絕。何以不醫。胃主化
食。熱則惡吐。故不治。當食乳不化。不食亦乾嘔吐。面色青黃無
血色也。又瀉久住了。又瀉。是積咬脾爛。何以知其脾爛。當瀉白
糞而食不消。住了却放糞赤黑而死。故知脾爛。以上皆不可治
者也。

痲癧原由症治

龐安常曰。癧者。血膜包水。側僻于脇旁。時時作痛也。惟癧爲能
發熱。爲能生寒。熱故瘡。家中腕多畜黃水。日久而腹結癧。寒熱
不已。有是疾者。由乳哺失調。三焦閉格。以致水飲停滯。腸胃如
冷。氣博之。則結聚成癧。輕者積滯木香丸。重者取癧丸。

王肯堂曰。茅先生論兒生五月至七歲。有結癖在腹。成塊如梅核大。來去。或似卵大。常叫痛者。左脇下名痞氣。右脇下名癖氣。用蓬朮散。夾健脾飲服。卽愈。如面黑。目直視。瀉黑血。口鼻手足冷。不進食者死。

食積

沈金鰲輯

太陰脾臟莫安一身論其職掌化宿消陳滋榮臟腑灌液布津上承胃納表裏相循下輸大腸傳送頻頻土爲物母乃見其真本臟氣虛虛則寒因虛寒相搏或又濕屯水穀所入莫與磨磷久則成積腹痛脹腹吞酸嘔吐昏冒其神夜必發熱肚熱眉顰當須識此食積是論若有外感益覺暹迤夾食傷寒寒熱吟呻先消其食發汗溱溱寒熱自止寧至經旬脾腎虛敗瀉必侵晨脾胃寔熱渴咽燥脣此皆食積脾病災親或則傷飽脾氣不呻積留日久潰敗濡淪變成食利膿積維均微痛微脹肚腹內堙法從積滯調理是遵夫然後愈病得回春鰲按小兒之病多由乳食未化卽或六淫相干成疾亦必兼宿食故另出食積一門不混于積癖條內。

食積原由症治

王履曰仲景云寸口脉浮而大按之反澁故知有宿食下之宜

大承氣湯然同一發熱而傷食者惟肚腹之熱為甚且糞極酸

臭夜間潮熱尤傷食之明驗也要法小兒宿食不消者胃納水穀

而脾化之兒初不知樽節胃之所納脾氣不足以勝之故不消

也錢氏論食不消由脾胃冷當補脾益黃散主之是也

初虞世曰小兒食積者因脾胃虛冷乳食不化久而成積其症

至夜發熱天明復涼腹痛膨脹嘔吐吞酸足冷肚熱喜睡神昏

大便酸臭是也有前症而兼寒熱者名曰食積寒熱若食在胃

之上口者吐之在胃之下口者消之腹痛痞脹按之益痛者下

之下後仍痛按之則止者補之來食傷寒者先散之用參蘇飲

熱甚便秘者先利之大柴胡湯如無外感只傷食不至手甚保

和丸調之蓋脾為至陰之臟故凡脾病者至夜必熱熱而兼寒

則又見所勝者侮所不勝者矣。食未消者消之。則寒熱自止。既消者補之。則寒熱自痊。若手足並冷。喜熱飲食。此中州虛寒也。皆溫之。大便欲去不去。脾氣下陷也。宜升之。若夜間或清晨洩瀉者。脾腎俱虛也。四神丸。手足熱作渴飲水者。脾胃實熱也。瀉黃散。手足雖熱不渴。大便不實者。白朮散。仍參腹痛。腹脹積痛。積滯治之。

食積痢

聞人槐曰。有食飽傷脾。脾氣稍虛。物難消化。留而成積。積敗爲痢。肚腹微痛。先調胃氣。次理積。却止痢。則病根自除。和中散。理虛養胃。三稜散。烏犀丸。助脾化積。沉香。檳榔丸。守中湯。進食止痢。

食積吐瀉

張渙曰吐乳瀉黃是傷熱乳吐乳瀉青是傷冷乳皆當下之此
迎而奪之之法也不若傷熱者用五苓散以導其逆傷冷者用
理中湯以溫其中自然平復也 脾經積滯未除再為飲食所

傷不吐則瀉不瀉則吐宜以三稜散化積守胃散和中熬按痢與吐瀉

各有端門二條列于此者以端由食積也

黃芩手... 瀉... 吐... 宜... 三稜散... 守胃散... 和中... 熬按痢... 與吐瀉...

... 瀉... 吐... 宜... 三稜散... 守胃散... 和中... 熬按痢... 與吐瀉...

吐瀉單吐單瀉

沈金鰲輯

吐病傷胃瀉病傷脾吐上焦鬱瀉下焦衰臟腑部分各不相移論
吐之原病非一機或由胃虛睡必露背或由胃冷其脈沉微或由
胃熱涼飲是怡或胃虛熱渴而溺稀或胃有積吐熱面黧或胃有
之噉逆聲嘶挾驚挾毒吐亦相隨和中助胃止吐之基誦瀉之原
五臟兼推脾受木剋面黃神疲脾爲水侮洞洩如飴心脾氣虛瀉
黃多噫肺脾氣拂沫出多啼脾氣虛寒冷及四肢脾家積熱心煩
口燥脾爲濕滯浮腫脈遲脾氣下陷腹墜如遺脾中虛痞脹滿難
支清神益氣止瀉應施吐瀉交作霍亂維危或心先痛吐難自持
或腹先痛瀉必淋漓中焦閉隔上下氣睽揮霍撩亂方書慎之曰
攪腸痧俗名甚奇開通疏利乃是正治吐瀉之故調護多非見之
切穉六氣尚虧乳食不節外感侵欺清濁相干蘊作創痍先瀉後

吐由虛冷。今先吐後瀉。其實熱。治詳其輕重。審厥參差。雜吐之屬。嘔則類齊。雜瀉之屬。痢則同歸。其分別處。未可或迷。再叅歲氣。更辨四時。勿輕心掉。纔可言醫。

吐瀉原由症治

虞搏曰。小兒吐瀉洩黃。傷熱乳也。吐瀉洩青。傷冷乳也。皆用白餅子。下後傷熱乳者。玉露散。傷冷乳者。益黃散。

王汝言曰。小兒吐瀉併作。卽名霍亂。有心痛而先吐者。有腹痛而先瀉者。莫不由中焦而作。上焦主納而不出。中焦主腐化水穀而生榮衛。灌溉百骸。下焦分別水穀。主出而不納。脾居中州。胃爲水穀之海。乳哺入胃。脾能尅化。然後水穀傳變。得宜。豈有吐瀉之患。凡小兒吐瀉。皆因六氣未完。六淫易侵。兼以調護失宜。乳食不節。遂使脾胃虛弱。清濁相干。蘊作而然。有先瀉而後

吐者乃脾胃虛冷。其候先瀉白水。吐亦不多。口氣緩而神色慢。額前有汗。六脈沉濡。此爲冷也。有先吐而後瀉者。乃脾胃有熱。氣似唇紅。吐來面赤。脈洪而數。渴飲水漿。此爲熱也。冷熱宜辨。雙金善曰。吐瀉昏睡露睛者。胃虛熱也。錢氏白朮散。吐瀉昏睡。不露睛者。胃實熱也。錢氏玉露散。

張兼善曰。初生吐瀉。大便色白。停乳也。紫霜丸。下後用香橘餅。初生月內吐瀉。宜朱砂丸。如吐驟。或瀉完穀者。傷風甚也。凡傷風多作吐瀉者。風木好侵脾土故也。宜大青膏。

王履曰。嬰兒暑月吐瀉。身熱。宜玉露散。或益元散。寒月吐瀉。身冷。宜益黃散。

錢乙曰。吐瀉久。將成慢驚風。宜和胃丸。雙金丸。一五歲兒吐瀉。壯熱。不思乳飲。錢見曰。此見目中黑睛少。而白睛多。面色晄。

錢乙曰。春冬之治宜從表。如傷寒吐瀉身溫。乍涼乍熱。睡多氣粗。大便秘白。嘔吐乳下不消。時咳嗽。更有五臟兼現症。當煎入藏君臣藥。先服大青膏。後服益黃散。如先曾下。或無下症。慎不可下。此乃脾肺受寒也。若傷風吐瀉。身熱多睡。能食乳。飲水不止。吐痰。大便黃水。此爲胃虛熱渴吐瀉也。當生胃中津液以止其渴。白朮散。後用發散。大青膏。傷風吐瀉。身涼吐沫。瀉青白。悶亂不渴。噎氣。長出氣。睡露睛。此傷風在甚。輕怯。因成吐瀉。專先補脾。益黃散。後用發散。大青膏。此傷風二症。多病於春冬也。夏秋之治宜從裏。兒生三日內壯熱。不思乳食。大便乳食不消。或白色。是傷寒。當下之。白餅子。并和胃。益黃散。兒生三日。至十日。吐瀉身溫涼。不思乳食。大便青白。乳食不消。上實下虛也。更有五臟兼見症。肺則睡露睛。喘氣。心則驚悸。飲水。脾則困倦多睡。

肝則呵欠煩悶。腎則不語畏明。當視其兼臟症。先瀉其所實而補其虛。如脾虛益黃散主之。此一症多病于夏秋也。再如五月夏至後吐瀉。身壯熱者。此熱也。蓋小兒臟腑十分中九分熱也。或因傷熱。乳食不消。瀉深黃色。玉露飲。六月大暑後吐瀉。身大溫而似熱。臟腑中六分熱四分冷也。吐嘔乳食不消。瀉黃白色。似瀉。或乳或不乳。食前少服益黃散。食後多服玉露飲。立秋後吐瀉。身溫。臟腑中三分熱七分冷也。不能食乳。多似睡悶亂。噎氣。長出氣。睡露睛。唇白多噦。欲大便。不渴。食前多服益黃散。食後少服玉露飲。八月秋分後吐瀉。身冷。無陽也。不能食乳。乾嘔噦。瀉青礬水。當補脾。益黃散不可下也。凡治小兒吐瀉大法。五月內九分下而一分補。八月內九分補而一分下。切勿混治。萬全曰。小兒盛暑吐瀉。邪熱在下焦則瀉。在上焦則吐。亡津必

渴用玉露散。雖吐時時與啜之。過三日必愈。如身熱脈大。溺黃。五苓散。益元各半湯。調溫服。如身涼脈細。尿清。早晨益黃散。午後玉露散。如過四五日。困弱異功散。或用和中散。

曾氏曰。小兒盛夏初秋。遇夜乘涼。渴而飲水。過食生冷。攻擊腸胃。遂乃暴吐暴瀉。傳作手足俱痺。筋攣而痛。痛則神志不寧。若以驚症治之。悞矣。

張元素曰。如有風而瀉。用防風羌活。謂吐瀉兼肝病。風搖拘急。如有熱而瀉。用大黃黃連。謂吐瀉兼心病。身熱也。有寒而瀉。用附子。謂吐瀉兼腎病。身冷。或足脛寒而逆也。有濕而瀉。用白朮茯苓。謂吐瀉兼本臟脾病。多睡體重昏倦也。有肺病而瀉。用白芍桂心。定喘麥冬人參。甚者用檳榔。大便不通。加大黃。謂吐瀉兼肺病。咳嗽也。

吐瀉心腹痛

聖惠方曰小兒冷熱不調。乳哺不節。使陰陽清濁之氣相干。而變亂腸胃間。則成霍亂。而心腹痛者。冷熱氣與正氣相擊。或上攻心下攻腹。故痛。

單吐

吐病原由症治

巢元方曰毒氣吐者。春夏以湯與兒。腸胃脆弱。不勝藥勢。逆吐下不止。藥熏臟腑。煩懊頓乏。為中毒氣吐下。千金藿香湯。

曾氏曰論吐之原。難以枚舉。有冷吐。熱吐。積吐。傷風。嗽吐。傷乳。吐。吐則同。而症則異。冷吐者。片不消。多吐而少出。脈沉澁。面白眼。慢氣。緩神昏。額汗。此因風寒入胃。或食生冷。或傷宿乳。胃虛不納。而出。宜當溫散。加薑。姜。陳皮。或間投沖和。飲理中湯。不

效。參香飲。熱吐者。面赤唇紅。吐次少而出多。乳片消。面色黃。遍體熱甚。或因暑氣在胃。或食熱物。精神不慢。而多煩躁。此熱吐也。宜大順飲。香茹飲。悞服熱藥。先投萊豆飲解之。次止吐藥。積吐者。眼胞浮。面微黃。足冷肚熱。日輕夜重。兒大者。脉沉緩。此宿冷滯脾。故吐黃酸水。或有清痰。脉實而渴。爲食積所傷。吐酸醜氣。或宿食併出。兒小者。喎乳不化是也。先五苓散和解。次烏犀丸。最小者。三稜散。傷風嗽吐者。熱生風。風生痰。痰結胸中。肺氣不順。連嗽不止。和痰吐出。此爲嗽吐。痰壅而作。乃爲實症。先投清肺飲。小柴胡湯。若嗽久。肺虛土不生金。面白唇燥。乾嗽乾嘔。而無痰。可溫補爲主。茯苓厚朴湯。惺惺散。傷乳吐者。纔乳哺後。卽吐。或少停而吐。此因乳飲無度。脾弱不運故也。三稜散。此外又有風痰吐。乃是傷寒不解。吐乳夾痰。若多時。必要生風。青州

白圓子。半夏散。挾驚吐。張煥三香丹。疳積吐。本事方。凡霍亂吐不止者。伏龍肝細末二錢。白扁豆炒煎湯調下。立止。若扁豆嫩苗更好。

錢乙曰。小兒經年吐乳。跟慢糞穢。有筋膜者。乃父母交感時吃乳所致。名曰交精吐。姪宜益黃散。五疳保童丸。

譚殊聖曰。小兒驚膈吐還頻。日夜連連不暫停。淥水槐黃泔淀汁。和虫乳食一時噴。丁香研共生犀服。五胆牛黃主有勲。若有得逢如此藥。直饒危困却還魂。此名歸命丹

單瀉

為病原由疝治

巢元方曰。小兒暴瀉者。由腸胃虛卒為冷熱之氣所傷而成。熱則色黃赤。冷則色青白。若冷熱相交。則變為赤白滯痢也。宜龍

胃散小兒久瀉者大法補虛消積宜華佗久利神驗方
張元素曰乳食不消初病忽然氣出冷四肢亦冷面白無光澤
精神不定乃胃氣不和可以大溫藥治之史君子丸益黃散若
病洩瀉日久不瘥乳食不化是脾胃有風冷先服益黃散二帖
後用宣風散導之再大補胃

會氏曰論瀉之原有冷瀉熱瀉傷食瀉水瀉積瀉驚瀉風瀉臟
寒瀉疴積膿瀉種種不同冷瀉多是白水瀉密而出少腹痛而
鳴眉皺目慢面帶白色額有汗冲和飲當歸散參苓白朮散熱
瀉者大便黃色如筒弔水瀉過即止半日復然心煩口渴小便
黃少乳食必粗先用五苓散或大順飲次錢氏白朮散香茹散
傷食瀉者乃脾胃素弱復傷生冷故大便不聚而瀉或因母餐
生冷肥膩亦能作瀉面唇俱白瀉稀而少或如敗卵臭身形黃

瘦宜固脾和中散。醒脾散。水瀉者。卽洞洩。乃陰陽不順。水穀不分。瀉黃水而小便少。次多無度。夏秋之際。晝則解衣取涼。夜則失蓋感冷。冷熱相激。清濁混亂。或因母熱與乳。令兒脾胃不和。水穀交雜而下。宜五苓散加苡仁車前半夏。分正陰陽。或白朮散六和湯。積瀉者。脾氣虛弱。乳食入胃不消。久又傷冷食。傳之大腸。遂成洩瀉。諸藥無效。蓋以積在脾胃未除。何由得愈。先三稜散除積。次沉香枳榔丸參苓白朮散。再和中散。驚瀉者。糞青如苔稠粘如膠。不可便止。但鎮心抑肝。和脾胃。消乳食。先五苓散。次三稜散。風瀉者。慢驚大病後有之。糞稀黃褐色。或夾食而下。因脾虛所致。或夾黑褐色者。屬脾虛。而腎水乘之也。若久則驚搖。先五苓散加苡仁以疏腎水。次瀉黃散以去脾風。再參苓白朮散以補脾氣。臍寒瀉者。糞青不稀不稠。或下清水。未瀉腹

痛而鳴啼。哭方瀉。生三五月內有此。周歲則無。因斷臍風冷外
通而成。先冲和飲。加葱白。次當歸散。加煨姜。及勻氣散。理中湯。
疳積。腹瀉者。面黃肚脹。脚弱。頭大項小。髮稀而豎。肌瘦不食。朝
涼夜熱。腹有癥瘕。瀉無定色。惡臭。自瀉自止。先三稜散。加陳皮。
次烏犀丸。蘆薈丸。快腸湯。凡瀉痢色青甚。而淡黃夾白。寒多
熱少。此陰邪勝陽。宜守中湯。胃苓湯。扶表救裏。方進當歸散。加
陳皮。紫蘇。生姜。糯米。寒甚者。理中湯。加附子。姜。棗。次南星。腹皮
飲。若瀉洩色青淡。有沫。黃稠。熱多寒少。亦致黃瘦。煩躁。宜五
苓。加苡仁。車前。生姜。解散餘邪。仍用茵陳。山梔。湯送五苓散。退
黃色。或萬安飲。四神丸。鰲按。疳積。腹瀉。脹者。脹也。其症必目胞
腫。腹脹。喜飲水。利色無常。目見消瘦。

痢疾

沈金鰲輯

東垣有言。凡發痢疾。白則傷氣。赤則傷血。赤白相兼。氣血都拂。東垣此言。千古無匹。請申論之。昭昭若揭。惟肺主氣。氣傷肺。過白由肺來。暑濕所折。惟心主血。血傷心。熱赤自心來。暑濕是結。至若痢黃。乃脾胃洩。暑濕傷土。飲食無節。黃中白垢。肺脾氣鬱。黃中赤穢。心脾氣奪。五臟俱傷。五色痢溢。治必求本。審之貴悉。因熱因寒。斯言恍惚。痢必腹痛。後重裏急。乃氣不宣。津液凝澁。每一滯行。腸痛如刮。大腸旣瘀。小腸亦窒。陰陽不分。虛實更登。內經之言。其因不一。春傷于風。夏生飧洩。少陽在泉。火淫如熱。民病注瀉。赤白俱出。此皆病。因非病。從發。至于噤口。至于休息。痢至于此。多死少活。審脉察症。毋少輕忽。方藥所投。庶保無失。

赤白痢原由症治

赤巢元方曰小兒痢如膏血者名赤痢腸氣虛極腸間脂與血俱

下也。蠱毒痢者寒暑不調小兒解脫為毒癘之氣所傷邪與氣

血相搏毒蘊腸胃值大腸氣虛則其痢狀血瘀如鷄肝此毒氣

一甚熱狀如中蠱故名。脾毒痢歌云脾間有毒號純陽本為醫

人熱藥傷致使大腸多結澁多饒滴血在枯腸如風腹閉難開

言眼身熱頭溫脚轉涼舌赤胸高為此候多啼喘急更如狂先須

解熱并開胃便是明醫用藥良此脾受熱積失治則毒伏治先

黃涼脾次去積若胸骨忽高更加喘急不治宜金華散香連丸

風毒痢歌云八痢之中風轉難形如青草汁多般毒風豆汁添

邪熱胃敗鷄肝片片全加赤不須先下積閉眸絕食不堪看若

歸白痢還須下臟腑頻溫得本源

聖惠方曰小兒血痢者由熱毒折于血血入大腸也血隨氣循

環經絡。逆行臟腑。常無停滯。若爲毒熱所乘。遇腸虛血滲入。腸則成血痢。小兒腸熱則痢下鮮血。如腸風一般。小兒膿血痢者。由熱毒在臟。血得熱則流。滲入大腸。與腸間津液相搏。積熱蘊結。血化爲膿。腹虛則泄。故成膿血痢。有渴痢兼症者。小兒利兼渴候。此是水穀痢。津液枯竭。臟腑虛燥。則引飲。若小便快者。利斷。渴則止。小便澀者。水不行于小腸。滲入腸胃。渴亦不止。利亦不斷。凡如此者。皆身體浮腫。脾氣弱。不能尅水。故也。亦必眼痛生瘖。小兒上焦本熱。今又利下焦虛。上焦熱氣轉盛。熱氣熏肝。故也。先醒脾散。勻氣散。調一二日。後用調中飲。自愈。有痢後羸瘦。小兒腸胃虛弱。受風冷。或挾疝氣。則下痢。痢斷後。腸胃尚虛。穀氣猶少。不能榮血氣。故羸瘦。桔梗丸。痢後浮腫。歌曰。冷痢日久失醫治。遍身浮腫却如吹。脈洪是氣化爲水。沉

實還因積有之。順氣腫消爲上法。氣平兩日定多尿。莫教食飽。還憂滯。此疾先因積損脾。用止渴聖效散。小兒赤白久痢不止。腹痛瘦弱。不思飲食。宜黃連散肉豆蔻散。

曾氏曰。赤白之痢。世人無不曰。赤爲陽爲熱。白爲陰爲冷。或曰。無積不成痢。至于調治。若冷熱藥更進。或單投去積藥。必難效。蓋風木剋胃土。不爲暴下。則成痢疾。赤白交雜。爲陰陽不分。法當分正陰陽。若旣分。仍赤白同下。則尚究所因。若先白後赤。乃內傷生冷。失于蓋覆。又元氣感于暑熱。宜先救裏。次解暑毒。若先赤後白。乃先傷熱而後感冷。先宜解熱。後治痢。有夾熱痢者。則純下鮮血。此風能動血。宜冷服黃連香茹散。及當歸散加醋炒蒸柏葉。有夾冷痢者。則下純白凍。或白上有粉紅色。或似猪肝。瘀血皆爲陰症。蓋血得寒則凝也。先五苓散加守中湯。次固

真湯。倘不辨虛實。冷熱妄治。必脾胃愈虛。或成噤口。又有裏急爲陽後重。爲陰未圍前腹痛。爲裏急已圍後腹痛。爲後重裏急。大腸澁也。先大順飲。加寬氣散。利解寬腸丸。後重爲氣虛。五苓散。加入參。送香連丸。若二症俱作。雙金飲。然瀉痢二字。自是兩症。糞夾水來多而順者。曰瀉。帶血純白凍來三五點而疼者。曰痢。輕重陰陽于此而分。斯爲治法。有膿血交雜。經久不止。曰輕夜重。或日夜頻數。食減痛多。並用萬金散。神效散。有五色痢者。乃因五臟蘊熱。榮衛不調。五穀不化。熏腐臟腑。神氣昏沉。日久不散。此候已危。最苦是腹中利痛。兒小者無治法。蓋五色者。乃五臟之色。皆見于外。兒大者可用局方三神丸。或小夾復丹。煎五苓散送下。或可療。又有風痢。多是黃褐色。與疳瀉頗同。但不臭爲異。此風毒停滯于脾。瀉黃散若赤白同下。不禁小便少澁。

痛熱並作。唇裂眼赤。氣促心煩。坐臥不安。狂渴飲水。穀道傾陷。飲食不進者。難治。

薛已曰。海藏用四君芎歸治虛弱之痢。四君乾姜治虛寒之痢。愚嘗治手足指熱飲冷者。爲實熱。用香連丸。手足指冷飲熱者。爲虛寒。用異功散。送香連丸。若兼體重肢痛。濕熱傷脾也。升陽益胃湯。小便不利。陰陽不分也。五苓散。若濕熱退而久痢不止者。脾氣下陷也。補中益氣湯。倍升柴。瀉痢兼嘔。或腹痛。脾胃虛寒也。異功散。加木香炮姜。或變爲瘧者。肝尅脾也。六君加升柴。鈎藤。若積去仍痢。脾氣虛也。四君送香連丸。若因母膏梁六淫七情。致見爲患者。當兼治其母。

葉桂曰。膿血痢。疴痛後重。初用宣通驅熱。如苓連。大黃必加。甘草緩之。非如傷寒。屎堅。須用芒硝。鹹以稟堅直走。破洩至陰。此

不過苦能勝濕寒以逐熱足可却病。噤口痢都因熱升濁攻
必用大苦如芩連石蓮清熱人參輔胃益氣熱氣一開卽能進
食。藥宜頻頻進二三口。小兒休息久痢變爲糞後下血最難
速愈。有因氣弱下陷補中益氣虛寒若飲食不化益黃散濕熱
未淨氣分延虛清暑益氣湯胃強善食者苦寒清熱更節飲食
須善調經月久瀉久痢必傷腎腎司二便也必肛門後墜與
初病濕熱裏急下重不同治以攝陰液或佐疎補久則純與攝
納。